


MATA A PETEHILE

KA MIFOKOLO YEPETEHILE

 Ki kakusasana, balikani. Ki hande kuba kwande hape kakusasana cwana ka nako ya pula ye, ya mbundu, kakusasana wa zizezi. Lu ziba kuli buñata bwa mina mubile ni nako yeñata ya kukoboca limota, ka kuzwa mwa misipili yemitelele. Mi lu na ni babañwi...balikani babande ba ba tahanga kuzwa kwa Chicago ni Alabama ni Georgia ni Tennessee ni Illinois ni libaka zeñwi kaufela, mwa mazazi aa, kacwalo luna lu...sepa kuli Mulimu uka mi fa silelezo ya Hae hamunze mu zamaya cwalo. Mi ki tapelo ya luna kuli Uka mi sileleza mwahala linzila, mwa hala linzila ze maswe ze sihulu haliba litelela mwa linako za maliha cwana. Mi ye ki naha ye maswe mwa linako za maliha. Ki naha yende hahulu ku ze liteni mwa nako ya maliha kamba mwa litabula, kono mwa nako ya maliha ni nako ya mbumbi i maswe luli.

2 Cwale, Ha ni sepi kuli ba sweli barekodela mwahali mwani. Mi Ni tabela fela kubulela taba yeñwi ka la Sunda yefelile, mwa liñusa. Libaka lene Ni—Ni bulukile tepu mi ne ni sa lumelezi kuli ba lekise tepu, ku i lukulula, kihande, neli bakeñisa kuli Ni na ni ku i talima pili. Kakuli linako zeñata, ka nzila yeo, Ni kona kubulela lika mwa keleke mo ze Ni sa koni kubulela fapila sicaba ka mukwa o cwalo, kakuli fokuñwi li tisanga lisitataliso. Mi linako zeñwi litisanga mane lipuzo mwahala sicaba saluna mo mwa tabernakele. Mi ki...

3 Ha ni bulelangi...lika zeo kuli ni be ya shutani, kono fokuñwi mwatasa tozo mwa ziba lika ze mu sa koni...ze mu si ke kunyamatala ku bulelela batu. Mi fokuñwi mwatasa tozo sesiñwi si ka bolomoka, mwa bona, mi ha una ku si lemuha. Mi iliñwi ya lika ze Ni lumela ze ne bulezwi (Sunda yefelile yani) yekona kueza kuli mutu...ha Ne ni bulezi kuli Na li kuba ni lumele mwa kubizezwa kwa katala kwa kulapelelwa. Mwabona?

4 Ni bata kubulela cwalo ni ku otolola fateni hande kuli mu utwisise. Ne ku si na pizo yakwa katala yekile ya ezwa mwa Bibebe. Hakuna nto yecwalo mwa Mañolo. Hakuna nihaiba mwahala masika fo ne li kalezi kufitela lusika lwa ba Methodist, mwendi ka myaha ye mianda yemibeli kwa mulaho, mwabona.

5 Lipizo za kwa katala ki foo batu haba taha ni kulika ku hapeleza ni kuhoholola sicaba, “Aku tahe, John. Wa ziba, bona...Bo maho ba shwile, inge ba kulapelela. Aku tahe, John.” Boo ha ki buikolwisiso, balikani. Batili. Mifuta—mifuta yeo, Na...hakuna fo mu ka utwa neba kulikuñwi fo ku bulela

zecwalo. Mi, ku zani, mu ba ni lika kaufela. Ki kabakaleo keleke i mwa mukwa o lyangani maswe ka mo iinezi kacenu, ki kabakeñisa lika ze cwalo.

⁶ Kuikolwisisa, ha u lukeli kubulela sika, muzwale, Mulimu uteni mwani mi uezize kale musebezi. “Pitrosi hana sa bulela Manzwi ao Moya o Kenile wa wela babane ba utwile Linzwi.” Mwabona? Mwabona? Mwabona? Hakuna pizo ya kwa katala, mwabona, hakuna nto ye cwalo.

⁷ Cwale, aletare kona sibaka sa tapelo koo mutu kaufela ataha mwa keleke u lukela pili kuya pili, ba kubama fa aletare, ka kukuza ni kulapela ku Mulimu ni kutisa likupo zabona za tapelo ni—ni kwa balatiwa ba bona, ni kulumba Mulimu ka sa ba ezelize, ni ku kutela kwa sipula sa bona.

⁸ Mi kipeto keleke kona sibaka koo Linzwi la Mulimu. . . “Mi katulo ikalela kwa Ndu ya Mulimu,” ko katulo ya Linzwi i simuluhela. Mi. . . Kono kacenu, lu—lu cincize zeo hahulu.

⁹ Cwale, Hanina ze ni lwanisa mutu ya bizeza sicaba kwapili, mwabona. Zeo ki. . . Mi Ni ezize yemiñata nina kasibili, mi Ni ka zwelapili kuba ni yemiñata luli haiba Ni zwelapili cwalo. Kono ka butu bwaka fela. . . Mwabona, mina—mina—mina mu banga ni babañata hahulu. Mi hakuna ze ni nyaza ka zona, hakuna bumaswe ku zona. Kaufela li lukile. Mwabona?

¹⁰ Kakuli, amuteeleze, Jesu naize, “Hakuna mutu yakona kutaha ku Na Konji pili Ndate a mu bize. Mi bao kaufela Ndate a Ni file ba ka taha ku Na.” Yeo ki niti. Kacwalo he, mwabona, zeo. . . Li nepela kwahule lipizo zamina za kwa katala. Mwabona? Mwabona cwalo? “*Kaufela* bao Ndate. . .” Wena. . .

¹¹ Musebezi wa—wa luna ki “ku kutaza Linzwi.” Bibebe ibulezi kuli, “Buñata bwa babane ba lumela ne ba kolobelizwe.” “Mubake, mi mu kolobezwe ka Libizo la Jesu Krete kwa swalelo, swalelo ya libi.” Sikamañi? “Mu kolobezwe ka Libizo la Jesu Krete kwa swalelo ya libi, mwabona, mi mu ka amuhela mpo ya Moya o Kenile.”

¹² Kono cwale ha u hapeleza ni kusabisa batu, ni kubulela kwa batu ka. . . Batu balukela kutaha ka swanelo, ni kuiswala, mwatasa kuikolwisisa, mi kipeto ba amuhela Krete. Mi nto yapili yeba eza ba sa amuhela fela Krete ni kuina mwa lipula za bona, taba yetatama ki ku kolobezwa ka Libizo la Jesu Krete kwa swalelo ya libi zani kuli ba kozwi kuli ba fosize. Cwalo kona mo ba swalelelwa libi za bona, mwabona. Kakuli ba bakile; ba kolobelizwe kuba kupuzo kwa sicaba, kuli, “Ni amuhezi Krete kuba Mupulusi waka”; kona kuli u ba ya swanela kuamuhela Moya o Kenile.

¹³ Mi, cwale, batu babañata ba zwelapili, ku hapeleza ni ku ba bizeza katala, ni zeñwi ze cwalo, mane zeo li lukile. Ni ka ya ni zeo, zeo li lukile hande kuya ka mo Ni zibela, mutu kaufela ya

tabela kueza cwalo. Kono, ku na, ha ki za Mañolo, mwa bona, mi kacwalo Ni—Ni tabela fela kuina ni Mañolo.

14 Mi kona libaka lene Ni haniselize tepu yani neli kuli mu sa i lumeleza fela kuhasana lu kaba ni mañolo a mianda iketalizoho mwa sunda iliñwi o lu lukela kualaba. Kaufela. . . Ku hata fela nyana fa sizo za mutu, mi kona fela zo na ni kueza, mi kipeto za kalisa sinca hape.

15 Mi Ni nahana kuli, linako zeñata, kuli Ni ya lwanisa hahulu lika ze shutana sina cwalo. Mi ha Ni talusi kuba ya cwalo, kono nako yeñwi kuna ni liofisi ze ku hohela neku lani, mwa bona, li—li ku ezisa kuba ya ipitezi ka nzila yani. Mi kacwalo Ni sepa kuli sicaba sa utwisisa cwalo.

16 Cwale, lu itumezi hahulu kuli lu sa na ni Ndate wa Lihalimu ya musa Yena—Yena ya sa isezi ngana kwa mafosisa aluna mane ba lu balelo ona.

17 Ne ni sweli kubala mwa Buka ya—ya Maroma, kauhanyo ya 4, koo Paulusi na ñozi taba—taba ya Bumulumu ya bupilo bwa Abrahama. Cwale, lu ziba kuli Abrahama linako zeñata na filikananga sina mo lu belanga. Kono cwale haili. . . taba ya hae ne i ñozwi, nekusina nihaiba sika sa ku filikana kwa hae, mwa bona, ha li si ka bulelwa ni hanyinyani. Ali:

Abrahama ha si ka bilaela ka sepiso ya Mulimu ka ku sa lumela; kono a itiisa mwa tumelo. . . inza lumbeka Mulimu;

18 Mwabona, mi cwalo kona mo Ni nahanela kuli yaka ika ñolwa Kwani, ha ki mafosisa aka ni lika kaufela, kono ki ze Ni lika fela kueza, milelo ya pilu yaka ya ku ezeza sicaba sa Mulimu.

19 Mi cwale lutile kakusasana cwana ku—ku to lika kutisa liñusa nyana fa leo mwendi Mulena u beile fahalimwa luna kufa kwa sicaba. Ni kusepa kuli li ka mi tusa mina ni kutusa nina, kakuli lu hamoho mi lupila mwa nako ye ipitezi, ni mazazi a maungulo. Kacwalo lusika ba kale ni tapelo, Ni tabela kubala libaka zeñwi mwa Linzwi; iliñwi fapila tapelo, mi yeñwi kasamulaho wa tapelo. Mi pili, kuli lu kwalule sebelezo ya luna, kamba, siemba sa yona se, Ni bata kubala mwa Buka ya Maheberu. Kauhanyo ya 11 ya Maheberu, ni timana ya seti- . . . timana ya 32, kukalela, kubulela ka *tumelo*.

Mi ze Ni ka bulela hape ki lifi? kakuli Ni ka taelelwa ki nako ha ni ka bulela za Gidioni, . . . za Baraki, . . . ni Samsoni, . . . ni Jefita; . . . ni Davida . . . ni Samuele, ni za baplofita:

Bao ka tumelo ba hapile mibuso, ba sebelelize niti, ba fumani ku ze ne ba sepisizwe, ba tibile milomo ya litau,

Ba tima mata mulilo, ba bandukile kwa buhali bwa lilumo, mi ba folile . . . kwa matuku, ba ezizwe lindume mwa ndwa, ba sabisize lila, ba sa bisize limpi za lila.

Basali ne ba fumani ka zuho bafu ba bona . . . babañwi balumeli ba nyandiswa maswe, mi ba hana kulamulelwa; kuli ba fumane zuho ya bafu yende ku fita:

Mi ba bañwi ba nyandiswa . . . ka kushubulwa . . . ni ka lipafa, ee, ka mawenge . . . mane, ni ka litolongo:

Ba bulaiwa ka macwe, ba sahiwa fahali, ba likwa, . . . ba bulaiwa ka lilumo: . . . ba nyanda ba yambaela inze ba apezi mikata ya lingu ni ya lipuli; ba tokwa lika kaufela, . . . mi ba zumwa ba shupwa;

20 Mutalime ze mwahali a tukutwana:

(Bona ba lifasi ne li sa ba swaneli:) ba yambaeliswa mwa mahalaupa, ni fa malundu, mwa mikoti ni mwa misima yetungile ya mwa lifasi.

. . . bona bao kaufela, ni ha ba pakilwe hande ka za tumelo ya bona, ha ba si ka amuhela ze ne ba sepisizwe:

Mulimu kakuli na lu bonezi zende kufita, kuli bale ba si ke ba fumana kupetahala luna lu li siyo kwateñi.

21 Ha Ni balanga makande ao a masole baba sepahala, Hani zibi kuli bupaki bwa luna bobunyinyani bu ka yo yema kai ni sicaba sani ka Lizazi lani.

22 Ku si kaba kale ni tapelo, kana kuna ni ya tabela kuhupulwa ku Mulimu? Nanula fela lizoho la hao, ni kaufela so tokwile Ha bone ni kuutwa ni ku si fa kuwena halunze luinamisa litho zaluna.

23 Ndata luna yomunde, ya lateha, lu atumela Lubona lwa Hao ka buikokobezo kakusasana cwana ka Libizo la Jesu, Mwana Hao, kuli lu i tapelele ili luna ni babañwi. Wena pili, Mulena, luswalele milatu yaluna kaufela ni bumaswe bwaluna. Mi kipeto lu ka lapelela babañwi, Mulena, kuli ni bona ba kone kuswalelwa.

24 Mi Keleke ya Hao ikaba bukaufi ni Wena. Kakuli kaniti, Mulena, mwa pilu ya luna lu lumela kuli U itukisize ku sebeza musebezi ni Keleke ya Hao, ku itukisa ku I nga kuzwa mwa lifasi ni ku ngelwa mwa Mubuso wa Mulimu. Kono, Mulena, lutuse kuli lube baba itukiselize hola yani. Mi kakusasana cwana haibe nako, Mulena, kuli kuzwa ku alimuñwi ku luna kaufela lu ka “beya kwatuko buima kaufela ni sibi se si lu imeza ka bunolo, kuli lukone kumata ka tibeledo mwa takano ye li fapila luna.”

25 Mi Na lapela, Ndate yakwa Lihalimu, kacenu, kuli U folise bakuli ni baba zielehile. Babañata basweli kunyanda mwa lifasi, ka matuku, ni “likokwani” sina madokota mo ba li bulelela.

Mi Ni lapela kuli maikuto a Hao a kufolisa, Mulena, abe kwa sicaba sani.

²⁶ Mi ni kutaha kwa puteho yaluna yenyinyani kwanu kakusasana cwana. Babañata ba tile ka limota ka limaili ze mianda anda, kukala maabani busihu ni mwahala busihu kaufela kufitela li pazula kakusasana, kacenu, ni kuzamaisa katata kuli ba tahe kwa tabernakele. Mi kuna ni mbundu mwa misipili kaufela. Mulimu, lu lapela kuli U ba fuyole sihulu. Hakuna ku kakanya babañata bafile siemba sesituna za lico zabona sa biki mutumbi, kamba kaufela seo sikona kuba sona, kamba lika ze ba konile kusinyeza mali ku zona, kwa mafula a mwa limota ni zeñwi, kuli ba tahe.

²⁷ Mulimu, ya taha ku Wena ali mukungulu uka kuta inza tezi. U sepisize cwalo. Mi Ni lapela kuli U taze lipilu zabona ni lizuha cwalo (za mioyo yabona) litale luli ka lika zende za Mulimu kuli ha ba ka ya baye inze ba yubauka fela ni “tabo ye ka konwi kubulela ni Kanya yetezi.” Fela linwiso za sicaba sesinde se litale liyubooke, ka lika zende za moya ze zwelela ku Mulimu.

²⁸ Fuyola lizoho kaufela, Wa ziba butokwa bo ne buli kwa mulaho wa lizoho lani, Mulena. Ni kupa kuli Kaniti u ba fuyole. Lwa Kubona mwa biki yefelile ye ka Mo alabezi litapelo zaluna ka limakazo mwa nako fela yenyinyani, linako za ñalelwa ni matuku ni matata. Ki wena Mulimu, yamata kaufela, ya yemi ni batanga ba Hae. Na lapela, Mulimu, kuli U yeme kakusasana cwana. Ufe ku bona takazo ya bona, Mulena, ya lipilu za bona. Ha ni lumeli kuli neli za nto ya buitati kaufela, mihupulo—ifi kaufela ye maswe kwa mulaho wa yona. Ni lapela kuli U ba fuyole.

²⁹ Mi cwale, Ndate, u ni hupule, luna, kacenu, mi Ni kone kuzwa mwa nzila. . . Kaufela luna, kukalela ku mulisana mane kushetumuka kwa—kwa banana, lukone kuyemela kwatuko ni aletare ya Mulimu ni ku kwalula lipilu za luna ni kuteeleza kwa Moya o Kenile ka Mwa ka bulelela ku luna. Fetula libyana zaluna kuba ku za Hao fuyola-. . . kuli luamuhele limbuyoti za Hao, ka neku le linde. Mi kipeto sela mata a tozo ni Oli ku bona. Mi lufe mata, Mulena, yeo lutokwa mwa mazazi a luinezi kwa pili. Lumeleza mbuyoti ye. Lwa kupa ka Libizo la Jesu. Amen.

³⁰ (Hmm, Ha ni zibi. Nga fela nombolo ya luwaile lwa hae ni ku mu bulelela kuli Ni ka mu lizeza kasamulaho wa keleke. Ha ni zibi.)

³¹ Mu ni lapelele. Ni. . . Muzwale Jack Moore fa luwaile, mi u sa ni hapeleza kuba kwani biki yee. Mwabona? Ha ni ikutwi fela kuli. . . ku itingile ku zeo, mwa bona, mi kacwalo ha Ni zibi sa kuezwa. Na mu lata Muzwale Jack. Mi mukopano omutuna wani o ta ezahala kwani kipeto u hanele baana bani, sina Booth-Clibborn ni babañwi, baba taha. Kacwalo ni sa libelezi, ubeile papazo ya hae kwani ni zeñwi ze cwalo zani, ba libelezi kuli

ni tahe. Kacwalo Ni—Ni ikutwa kuba ya hapelezwa ku ya, mwa bona. Mi Na . . .

³² Mi, cwale, halunze lu apula cwale hape mwa Makorinte Babubeli, mi lu ka kalela ka timana ya 12 ya Makorinte ba Bubeli, ni kubala timana iliñwi ya Mañolo kwa palo, haiba Mulimu wa lata. Makorinte Bapili, ki . . . Kamba Makorinte ba Bubeli, nitaluse, kauhanyo ya 12 ni timana ya 9. Ni bata kubala pulelo yapili . . . Kamba pulelo ya bubeli ya timana ya 9, siemba sa yona:

A ni alaba ali, Sishemo sa ka sa ku likana: kakuli mata aka a petahala mwa mifokolo . . .

³³ Ha luboneñi ni I bale hape cwale kuli mukone kuba utwisisa taba:

Mi ki hali ku na, (yo ki Mulimu ya bulela ku Paulusi), Sishemo sa ka sa ku likana: kakuli mata aka a petahala mwa mifokolo . . .

³⁴ Mi haiba Ni kona ku i biza kuba palo, Ni tabela kuitusisa ye, mata . . . *Mata A Petehile Ka Mifokolo Yepetehile*. Haiba luna ni bufokoli luna ni mata. Ki palo ye ipitezi fa . . . mwa puteho ya ba Pentekota, kuli . . . munge tuto ya *bufokoli*, kakuli luna kamita lu pakanga kuli “lu baba tiile hahulu.”

³⁵ Mi Ni bulezi kale, kuli, Ni likanga fela kulapela mwahala biki ni kufumana se si kona kuba sesinde kuli ni tise kwa kopano. Kambe ki kutaha fela kwanu ku to utwiwa, Ni kona kutabela kuli ni teezeze fela mutu usili ayeme fa.

³⁶ Kaniti, ka mazazi nyana fela afitile, Ne ni li kwa Kentucky ni sicaba sa Muzwale Gabehart kwani. Hane Ni zwile mwa sibaka sa bona, muzwale yomunde yo ni musala hae ni lubasi ni bona, kufitela Ni to nata muhupulo wo.

³⁷ Ne ni keni mwa ndu cwana zeo li si ka ezahala fela kale. Ne ni yemi fande, mi kalibe ali, “Ni tabela kuambola ku mukutazi yani.” Mi Na yo kena mwandu ya bona. Mi nekuna ni . . . Ki hali, “Ki wena Muzwale Branham naa?”

 Mi se Nili, “Eeni ima.”

³⁸ Ki hali, “Ni swabile hahulu ka mubonahalelo wa ndu yaka,” mi ki hali, “fa ku kubiza kuli ukene.” Ki ha kala kulila. Ki hali, “Kono Ni—Ni nani butokwa luli mi Ni na ni sepo yetezi ku wena.”

³⁹ Mi Na fumana kuli kona kwani Kezela luna Cox yo lupila ni yena kwa na zwelela kwa—kwa kulo kwani, nekuna—nekuna ni kuku wa mucembele ni tepu ya kurekodela inza ya ku bapila ni bona mabaoa ku ba lizeza matapa. Kona cwalo! Wo kona mulelo! Mwabona?

⁴⁰ Na talima kwa ni kwa mwa lapa le, ndu yenyinyani ye ishuwile, sina mo ne Ni hulezi, kono limota ne litezi fela

maswaniso a Kreste. Ne ku na ni Bibebe fa tafule. Se nili, “Ha ni likute luli mwa bupilo bwaka, ye kona ndu ye Ni kona kukena kuyona.” Na kupile kupo ka yomuñwi. Mi liholo ze ketalizoho kuzwa ka nako yene lu lapela hamoho, yena kuku wa musali yo mi Na lapela hamoho, Mulimu na alabile.

41 Kacwalo lwa lapela hape, ni Boma Cox ni Na ni babañwi kwa tafule kakusasana wani, lwa kubama ni ku kupa Mulimu kuli alufe kolo ya kueza sesiñwi ka buikatazo bwa na ezize. Mi, ka kukupa cwalo, Mulimu a kwalula nzila. Mwa bona? Ki Mulimu!

42 Lu lika kuezanga mifokolo yaluna kuba buinyazo. Lu tabela kubulelanga butuna bwa luna, mo lu bezi ba batuna. Ni sepa kuli yeo ki iliñwi ya lika ze Na. . . Mulimu a ni fezi tuto yatani, neli kuzwisa zeo mwa muhupulo waluna. Mwabona?

43 Kuna ni lika zenyinyani ze lueza. Mi zeo kona ze lu tahela kwa keleke, ki kufumana fo kuna ni lifoso za luna, ni lika zeo lukona kuba hande ka zona. Haiba lutaha kwa keleke ka nto isili fela—nto isili fela kwa nda ye, Ni paka ka kutiisa kuli hakuna ze lu ta fumana ze ta lu tusa ka kutaha kwaluna kwa keleke. Lu swanela kutaha ku to fumana bufokoli bwa luna, lu fumane libaka ze maswe za luna ni. . . kuli. . . lubone mo lubezi babanyinyani, Ni kubeya sepo yaluna ku Mutu ya tiile. Kono ha lu na ni bufokoli. . .

44 Kuna ni babañata hahulu ba luna baba tabela kupaka kamba baba tabela ku nahana kuli lu taezwi mi, kabakaleo, lu ba ni buinyazo, “Hani si ka ituta, Hanina mata, Hani koni kueza se.” Mi haiba u tundamena zeo ni kueza cwalo ka nzila yeo, uzwelapili kuya ona cwalo, konakuli haukoni kuba ni sika kaufela. Kono taba yatani luli ye lu fa buinyazo, ka bufokoli bwa luna, Mulimu uitusisa ona nto yeo luli kuli aeze musebezi ka yona. Mwabona? U lu libelezi kufita fa buino bwani kuli Akone kuitusisa luna. Lu—lu banga ni buinyazo ni kubulela kuli, “Kihande, Ni—Ni—Ni. . . hanikoni kueza se, Hani koni kueza se, Hani koni. Hani—Hani koni kueza cwalo.” Mi Mulimu unga ona taba yeswana yani kueza musebezi ka yona. Yeo ki niti.

45 Ki kabakaleo Ha—Ha lu ketanga, kakuli lu mwa buino bwani. Cwale, seo si utwahala bunca, kono ka mizuzu fela yelikani luka fita fa libaka lateni, haiba Mulimu wa lata.

46 Lu—lu fumana kuli, inge fela mo lubalezi, kuli mifokolo ni kuhaniwa. . . mi lufumana cwana kuli batu bani babali bafokoli hahulu ni ba ba hanilwe ka lifasi la kwande, kona bahali ba Mulimu, ba ba kona kukoma kwapili a limpi, unganga bona baba—baba i. . . kutwa kuli ha ba swaneli.

47 Ne kuna ni muzwale wa Methodist, babalalu ba bona baba tahanga kwa keleke kwanu kwa Ohio, kamba mutulo wa Indiana. Ne ba ni bulelezi ha ki kale hahulu, kuli, “Muzwale Branham,” bali, “lu amuhezi fela Moya o Kenile, kikuli lu bate cwale limpo za bulumiwa bwa luna?”

Se nili, “Musike mwa eza cwalo! Amuhele fela ona cwalo.”

48 Mi a sikuluha ni ku ni talima, ali, “Ni balile fela buka ya muzwale yomuñwi cwana ya na lu bulelezi kasamulaho lu amuhela Moya o Kenile kuli ‘lu bate limpo,’ kuli ka zona lu itusise ona Moya o Kenile woo.”

Se nili, “Mi se iba hembe ye fumbukile!” Mwabona?

49 Haiba mu lemuha mwa Bibehe, kamita ki bani baba lika kusaba kwa lika, kona Mulimu ba i tuisize. Haibile fela mutu. . . ha bata kueza sika mi unahana kuli una ni mata amatuna kuli aeze musebezi wo, Mulimu hakoni ku itusisa mutu yoo. Mutalimele Mushe, ha na mata; mutalimele Paulusi, hana mata; ni babañwi babande ba bona, ha ne balika kuba kwahule ni zona.

50 Se nili, “U si ke wa bata sika. Mulimu una ni sesiñwi sa hao, U ka kufa sona.” Mwabona? “Mi aku Mu lumeleze fela—u Mu lumeleze fela a tokomele lika zeo.” Se nili, “Kona kuli ube ni nako ya linako ze luna ni ze, luna kacenu, zeo mutu ni mutu ubata kueza *se* ni kueza *sani* ni kuba mutu yomuñwi yomutuna. Mutalime se lu keni ku sona, mwa bona.”

51 Kufita kulika kuba yomutuna lu lukela kulika—kulika kufumana mo lukona kubela ba banyinyani. Mwabona? Kipeto Mulimu wakona ku itusisa luna. Nina ni Mañolo amañata nyana añozwi fa ao Ni lukela kubulela ka ona, Na sepa, kono Ni. . . luna. . . Hakulata hanina kuba ni nako ya kueza cwalo. Kono luna lu. . .

52 Mulemuhe kuli si lwala ba—ba bafokoli ni baba hanilwe, mi mane muhali ufi kaufela yo Mulimu akile aba ni yena mwa ndwa neli mufuta wa mutu ya cwalo. Ki mutu ya na hanilwe, ki mutu yana hupulwa kuli u taezwi ki mata, mane mutu yana sina mata ni hanyinyani, konakuli mutu ya cwalo yo umwa buino bo bunde kuli Mulimu akone kukala ku itusisa yena. Yani ki niti. Ki fo ha ba utwa kuli ha ba koni, ha ba si na sika, kona foo Mulimu akona ku ba swala ni kueza sesiñwi ka bona. Mwabona? Mi. . . Kono ha lu nahana kuli lwa kona kueza sika, kipeto Mulimu hakoni ku itusisa luna kakuli lu bata kueza cwalo ka luba bañi.

53 Mi, he, neku leliñwi, luba ni maikuto a mi lu nahana kuli lu taezwi ki mata, mi ha lu lati kueza cwalo; kono cwale haiba lu teezeza fela kwa pizo ya Mulimu, yani kona taba luli yeo Mulimu abata kuli lu kene ku yona, mufuta wa sibupeho sani, kuli Akone.

54 Ha lu taezwi, ka luna bañi, konakuli lu tamehile kwa Moya wa Mulimu. Haibile fela lukona ku nahana kuli lwakona kueza sika, konakuli halukoni kueza si eza. Kono ha lu fita fa sibaka fo lu ziba kuli halukoni kueza cwalo, konakuli luipa ili luna ku Mulimu mi Yena u ta eza cwalo. Kacwalo he haiba ki luna baba lika kueza cwalo luka palelwa, kono haiba lu ka ipa ili luna ku Mulimu fo he Mulimu hakoni kupalelwa. Kuna ni fela

nto iliñwi yeo Mulimu hakoni kueza, mi, nto yeo ki kupalelwa. Wakona kueza sika sifi kaufela kwanda kupalelwa. Kono Ha koni kupalelwa.

55 Kacwalo ibile fela lulika ka luna ni kuitinga fa mata a luna, ni zeñwi cwalo, kihande, hakuna se lu ka eza. Kono ha lu fita fa sibaka fo lu ziba kuli ha lu sesiñwi, kipeto Mulimu wakona ku itusisa luna.

56 Nto ya butokwa, iliñwi ya lika zebutokwa ye lu swanezi ku tokomela. . . Cwale muhupule se, mi sihulu mina baktazi ba sanana, ni kwa mamembala hamoho cwalo. Kuna ni nto iliñwi yeluna ni ku lemuha haiba lu kulubela kutaleleza takazo ya Mulimu mwa bupilo bwaluna, zeo ki kuli lu swanela ku tokomela muhupulo wa *kutiya kwa butu*. Haiba luka fita fa sibaka fo lu nahana kuli lwa kona ku lieza ka butali bwa luna ni ka mata a luna, lu swanela ku tokomela lika ka mukwa wa kuli lu ka zwa kwa lika zeo ni ku libeya kwatuko kuli Mulimu akone kuitusisa luna. Yani ki niti.

57 Ni kuba ni kuipa ko kutezi! Halukoni kuitusisa mata alimañwi. Lu lukela kuba ni kuipa ko kutezi! Mi, kutaha ku Mulimu, una ni kuipeya ku Yena ka kutala ili moyo, mubili, ni moya. Kaufela zo li zona li na ni kuipeya ku Mulimu, ili kuli Akone kubeleka ku wena ni ku na.

58 Cwale, zeo li tata, Na ziba, kakuli luna kamita lubatanga kubeya siemba sa luna mwateni, nto ye lu *ziba*, lu ziba kuli lubata kueza cwalo. Lu li, “Kihande, Ni—Ni ziba kuli li lukela kuezahala ka nzila yee.” Kono ibile fela u eza ka nzila yeo li ka fosahala, mi Mulimu ha na kuitusisa kuikataza ko kucwalo. Mwendí, ka tuso ya Mulena, lu ka kena mwa lika zeo fa mizuzu yelikani, ni kubonisa fela ka mo Mulimu a sa koneli kuitusisa mata a hao.

59 Mi boo kona butata bo buli ni lifasi kacenu: kuna ni kutwisiso yeñata hahulu ya za bulapeli, zeñata ye beilwe fa tuto, ki zeñata hahulu ze beiwanga fa tamahano kamba kutwano mwa kopano, lu yendama ku yomuñwi ni yomuñwi, lu yendami fa mata a batu.

60 Bible ibulezi kuli, “Ukona kuba cwani ni tumelo kanti wena—kanti wena u. . .” Halu boneñi, kana Liñolo leo? “Mu kona cwani kuba ni tumelo kanti mubeyana kwapili?”

61 Ha lu kulubela, kubulela kuli, “Mutangana yo, ki mutu yomutuna. Yo ki mutu yomutuna, Ni ka yendamena fela ku yena,” zeo ha li tabisi Mulimu ha ueza cwalo. Lu lukela yendamena ku Mulimu ni Mulimu fela anosi! Ha lu lukeli kusepa butali bwa luna kamba mutu ufi kaufela. Lu lukela kuipeya ka kutala ku Mulimu.

62 Hanina mata, Hanina taba kamba ki mata a mañi, haluna ku kona ku itusiswa fapila Mulimu. Mulimu una ni kuzwisa mata aluna kaufela A si ka ba kale ni kueza mulelo wa Hae. Haiba Una

ni sesiñwi sa kueza, mi haibile fela luikutwa kuli lueza musebezi omunde luli kuzwa ku zona, kipeto haluna ku kona kuba ni tuso ku Mulimu.

⁶³ Cwale, mu li, “U bulela taba yetuna maswe foo, Muzwale Branham.” Mi yani—yani ki ye bapukile, kono mutalime fela kwa ni kwa ni kufumana haiba ki niti kamba nee.

⁶⁴ Mutalime kwa ni kwa kacenu kwa lika za luna zetuna ze lu hupula kuli lu ezize, mi bukai Bukreste mwa United States? Mutalime likeleke za luna kaufela ni likopano, ni babuleli ba luna ni mikopano ya lifoliso, ni lika zeñwi kaufela ze lubile ni zona, mi ki sikamañi seo? Limaswe kufita mo ne li inezi kwa simuluho! Li maswe hahulu kacenu kufita mo ne libelanga kamita, kakuli lu likile kueza cwalo ka mata a butu.

⁶⁵ Ba kopana hamoho ni kuba nimi milapelo yetelele ni kuzwela kwande kwanu. Mi zazi leliñwi ne bana ni babañata hahulu, baba handeleti ni fifite sauzande, kamba nto yeñwi ye cwalo, bakopani hamoho, hamoho Baipanguli ni ba Katolika; ba peta litapelo zeñwi, ni kulapela litapelo zeñwi, ni kulapela litapelo zeñwi, ni zeñwi cwalo. Bene ba sa swaneli kukopana, ki ze sa swaneli fapili a Mulimu.

⁶⁶ Cwale, haiba Ni ba ya lwanisa, mu ni swalele. Mwabona? Kono Ni—Ni nani... Mu lukela ku tatulula lika hande. Mwabona? Mu swanela kufita fa niti.

⁶⁷ Mi ki bunde mañi bo ne bu ezizwe? Hakuna. Mi hakuna kuba konji mutu kaufela ya ipiza Mukreste uka libala mata a hae ni kuipa ku Mulimu.

⁶⁸ Konakuli Mulimu wakona kufumana mulelo wa Hae ka kusa... luma ancafazo, kono, muzwale, Sa tokwa kueza pili ki kuluma pulao, yeo ki niti, kuli *lukone* ku ancafaza. Una ni kushwa u si ka pepwa sinca, mi una ni kuba... U tokwa kushwa kwa luna kasibili. Tabernakele ye i tokwa kubulaiwa, mi nina hamoho ni yona. Kaufela luna, lutokwa ku—ku bulaiwa kuli lukone ku ncafalezwa mwa bupilo bo bunca, muswalelo o munca, sepo yenca, ni kutwisiso yenca! Lu tokwa pili lizazi la kusilisa.

⁶⁹ Lu tokwa sibaka sa kuipa kwa Moya kufita kuba baba itingile hahulu fa sikolo ni fa litukiso za luna, mi luna... likundi za luna ni zeo kaufela ze lunani. Lu—lu—lu itingile fa kutwano ni bakutazi babañata baba shutana kuli ba utwane. Lu lumeleza babañata hahulu... “Haiba ha lukoni kuba ni babañata hahulu, kupalañi, haluna kueza cwalo. Haluna kuya kwa mileneñi kusina zeo.” Mi he, ha lueza cwalo, lu lieza kuba mwa mushini omutuna ona ni musili mwahali, mwabona.

⁷⁰ Kacwalo lu—lu swanela kuzwa ku zeo, mata a butu ani. Luna ni kufita fa sibaka fo lukona kufa mioyo ya luna ni bupilo, neba ku mufumahali wa mwa lapa, ku njimi, ku mulukisi wa lisipi, kamba lu bomañi kaufela, lu swanela kuipa ka kutala ku Mulimu ni kuziba kuli “ha lu sesiñwi.” Mi ni kulumeleza

Mulimu kukalela ona foo. Mi Akale kuzamaya, kusebeza. Mi seo si apesa luna kaufela, mañi ni mañi. Yeo kona—kona taba yeluna ni kueza.

⁷¹ Zakale za bonisa, li sa bonisa ni cwale, za bonisa (zakale) kuli Mulimu kamita uketanga babasina kabubo kuba batu sakata ba Hae. Mulimu unganga mutu ya si sesiñwi.

⁷² Kacenu, kwanda kuli ube ni makalelo a lituto za bumulimu, kihande usike wa lika ku atumela muleneñi, usike wa nyamatala kuatumela mukopano. Kono haiba una ni lituto zetuna za makalelo, hamoho ni kulutiwa ka swanelo mwa mulaho wa hao, wakona kukena mwa muleneñi kaufela ni kuba ni swalisano, kuba ni mukopano omutuna. Kihande, ha ki mukopano. . . Ki mukopano, kuswana fela inge sika kaufela, kono ki bunde mañi bo buliteni? Mwabona, mu—mu sa. . . Mu ba ni basizana babanyinyani ba ni bashimani ba bataha cwalo, inge ba tafuna cwingamu ni kuya kwa katala, mi basali ni baana baya kwani ku yo bulela fela kuli “baile kwa katala,” ku kena mwa muzuzu kwa litaelo ni kukuta ni ku fafalezwa kamba ku cimbekiwa, kamba seo bali sona kaufela, mi ni—mi ni mwaha kuzwa fani. . .

⁷³ Alimuñwi wa babuleli ba luna ba batuna naize, haiba na ka ziba fela kuli na ka buluka teni pesenti ku baba bakile ba hae ka mwaha ulimuñwi, na kaba ya tabile. Mi, he, haiba nana ni baba bakile baba eza sikiti, mwaha otatama ba lukela kuba—kuba likiti ze lishumi za bona. Mwabona, lu palelwa kufita fo kuswanela, lu mbwinja mulelo.

⁷⁴ Babañwi ba luna ba litoma fa mayemo a munahano wa batu, “Oh,” kuli, “yena ya ipona kuziba lika kamukana, mutu yo ki muituti ya lutilwe. Lu lukela ku luta sicaba sa luna ni ku ba luta.”

⁷⁵ Ya tatama u li yendamiseza fa maikuto a—a muzamao, kunjanja, kulila, kuhuwa, kubinela mwa Moya, kamba sesiñwi, musebezi omuñwi wa kwande. Mi seo si fitelela tuto! Haiba diabulosi hakoni ku kunga kwa neku *le*, u ka ku kasheza kwa neku *lani*.

⁷⁶ Kono taba yateni ki kuli, ki kutokwa fa kuitinga fa butu bwa hao fela kamba sika kaufela so kona kueza, ki kuipa fela kokutezi, ko ku kwanelezi kwa mifokolo ku Mulimu, ni kubulela kuli, “Ki Na yo.” Hakuna sika, hakuna mata o kona kusepa ku ona!

⁷⁷ Mubale hande mwa Mañolo mi mubone, sina ha Ni na ni Mañolo aňozwi fa ao Ni swanisisa ku ona. Babañwi mwa Mañolo, lu fumana cwana, kuli Mulimu kamita na itusisa batu babasina mo ba inezi kuli ba be babutokwa ba Hae. Yena kamita na nga bene ba hanilwe, lusika lwa kacenu bao ne lu hanilwe, mi wani kona mufuta wa ba Na itusisa.

⁷⁸ Mulemuhe ba—ba apositola. Munahane Pitrosi, yena muyambi, asina tuto yetuna ya kuziba kuñola libizo la hae.

Joani, sitimbi mi ya si ka ituta. Baana bani! A fitelela baituti ni munituti ya itutile ni baika ba mazazi ani, baituti ba likolo, ma membala ba keleke, ni babana ni- . . . batu bani be ne ba hupula kuli ki bo mukete, ni kunga baba sina kabubo ni kuitusisa bona.

⁷⁹ Cwale, mutu yomuñwi ukona kuba alimuñwi wa batu ba Hae, Mulimu wakona kuitusisa yena haiba uitukisize kulibala kuli ki mutu fela. Haiba u itukisize kulibala kuli u *mutu* mi ni kuba fela ya si *sesiñwi*, konakuli Mulimu wakona kuitusisa wena ni kueza mutu wa butokwa ku wena. Mwabona? Kono u lukela kulibala kuli u wa butokwa hahulu.

⁸⁰ Kuna ni babañata ba luna, buñata bwa luna lu ezanga cwalo mwa—mwa bupilo bwa luna. Ona fani fela. . . Batu babañwi, ba sa ba fela Bakreste, bafetuha bainuneki, ku sa izeza ngana, yeo ki niti, kanti usweli fela kuya ka nzila yeshutani. Uya kwa mulaho mwa sibaka sa kuya kwa pata. Mi. . . Buñata bwa zo kona kuzwisa kuwena, kona buñata bwa sibaka so nani sa Moya o Kenile kutaha kuwena.

⁸¹ Sina Elisha mwa na bulelezi Jehoshafati ni babañwi, kuli, “Kata sibaka se sitale mikokolombwa. Kata utungise, kona ni ona mezi mwa ka bela amañata.” Mi buñata bwa luna kasibili, bwa butanya bwa—bwa luna kasibili bwa mata aluna bañi bo lukona kuzwisa kuluna, kona ni sibaka butuna mo si ka talela ka Moya wa Mulimu; haibile fela lukona kueza ona cwalo.

⁸² Paulusi, yena ye lu sa zo bala fela za hae mwa—mwa Makorinte, mwa Makorinte Babubeli, lu fumana kuli muuna yo neli muuna yomutuna. Nali munituti, muuna yomutuna. Kono nana ni kulibala kaufela za na ziba, ili kuli a zibe Kreste.

⁸³ Ni ka lumeleza. . . ni ka bala amañwi a Mañolo fa, ili kuli mu—mu kone kubala ni na. Halu apuleñi mwa Makorinte Bapili, kauhanyo ya 2 ni timana ya 1, fa muzuzu fela. Mi ha lu baleñi fateni fa muzuzu fela sa na bulezi Paulusi, yena muuna yomutuna wa sikolo yoo, sa na bulezi ka yena muñi, sa na ezize. Makorinte Bapili, kauhanyo ya—ya 2 ya Makorinte Bapili, ni kukala ka timana ya 1. Muteezeze ku munituti yoo.

⁸⁴ Muuna yo na lutilwe. Na kona kubulela buñata bwa mishobo ye ne liteni mwa lifasi. Nana ni kuikuhumusa ka zona. Na hulezi mwa ki sikwata se si sepilwe luli sa Bafarisi, mi ndatahe neli Mufalisi. Kasamulaho a ba “Mufalisi wa Bafarisi,” mi seo si talusa kuli na li—na li ya sa bondolwi ni hanyinyani mwahala ma—ma Mafarisi. Nali mutu yomutuna. Mi nana ni bundume, mi nali ya butali.

⁸⁵ Ndatahe na mu file tuto mwatasa muluti yomunde hahulu ku bene bali mwa naha kaufela, Gamaliele, ka nako yani muluti ya na zibahala hahulu wa sikolo sifi kaufela. Paulusi nabile mufuta wa muuna yani. Na itutile mushobo kaufela. Na itutile ngana ya butu. Na itutile lika zeshutana kaufela ze li mwa—mwa. . .

a ituta zona ka nzila yeo. Mi a yendamena katata kwa—kwa tabernakele ya—ya baprista ni ka—ka muuna yomutuna. Mi na ya inza shandaula Keleke.

⁸⁶ Muteeleze ku muuna ya swana yo, ni tuto ye kaufela, kasamulaho amano amuhela Kreste. Muteeleze ku sa na bulezi. Mwa na bezi ya tiile mi yomutuna, nana ni ku libala zani. Nana ni kulemuha kuli na si ka itinga ku yena muñi. Nana ni kulemuha kuli tuto ya hae ne i si sesiñwi. Nana ni kulemuha, kuli tuto kaufela yana bile ni yona, nana ni kulibala lika kaufela za na lutilwe. Amu muteeleze cwale.

*. . . Haili Na, banabahesu, ha Ni tile ku mina, . . .
ha ni si ka taha ka bunde, bobutuna. . . bwa manzwi,
mwabona, ku mi bulelela bupaki bwa Mulimu.*

“Hani si ka taha ku mina ku to mi bulelela kuli, ‘Cwale, Kina Dokota Saule yazwa kwa Sikolo sa *Kuli-ni-kuli*, Kina ya . . . zwa mwa sikwata sesituna sa kopano ye.’ Hani si ka taha ku mina ka mukwa o cwalo.”

*Kakuli neli mulelo Waka o tiile kuli hanina kuziba se
siñwi mo kumina, konji Jesu Kreste, mi ili ya kokotezwi
fa sifapano.*

⁸⁷ Kifo, muteeleze bupaki bwa muuna ya cwalo yoo.

“Ni tamehile kuli ni si ke na ziba sika ka za mata amina. Ni ziba kuli hakuna sika ku mina mi Ni ikatalize fela kuziba nto iliñwi ye Ni bona ku mina, nto iliñwi yeo ki Jesu Kreste mi Iliyena ya kokotezwi. Mupilisi ya kokotezwi mwahala mina, kona fela ze Ni bata kuziba.”

⁸⁸ Muteeleze ku yena.

*Mi hane Ni inzi ku mina. . . (butuna? mwa
sikamañi?). . . ne ni ikutwa kufokola ni kusaba, ni . . . ku
ngangama.*

⁸⁹ Kana mwakona kunahana muuna, Mufalisi wa Bafarisi, muluti wa baluti, muuna ya na lutilwe kuzwelela kwa bwanana bwa hae (kuba mwa bulumiwa) kuba mutu yaziba kubulela ya nali ya butali ni ya bunangu, kuli atahe fapila sicaba sa Makorinte ni kubulela kuli, “Nenili ni mina mwa kufokola, mi ni mwa sabo, ni ku ngangama”? Muuna ya na futula lifasi kafulatondo, mulumiwa yomutuna ya kile azibiwa, abulele kuli na “tile ni mifokolo,” isiñi ka kuba muituti ya lutilwe hande, kono “mwa bufokoli, mwa sabo,” kuli asike a yembanela mwa Nzila isili. “Ka kusaba hahulu,” kakuli na sa sepi mwa mata a hae.

⁹⁰ Libaka la na “saba,” isiñi kuli na saba sika kaufela, kono na saba kuli na ka filikanya Mulimu ka nzila yeñwi, kuli na ka ikungela mata a hae ku Yona; sika sa na itutile, sa na nani . . . Na sweli ku ba bulelela kuli, “Ne ni si ka taha ku mina ka mubulelelo wa manzwi amutuna hahulu wo (Ni tile ku mina ka *sabo* kuli ne

Ni ka taha ka nzila yani), kono Ni tile ku mina kusina ze ni ziba kwanda Kreste, ili Yena ya kokotezwi fa sifapano.”

Mi ha ne Ni tile ku mina, ne ni ikutwa kufokola, ni kusaba, ni ku ngangama ko kutuna.

Mi bupaki bwaka ni tuto yaka ne si za ku mi kolisa ka manzwi a butali bwa batu, kono ne li ponahaliso ya Moya ni . . . mata:

⁹¹ Muteezeze ku muuna yo ya nali ndwalume ya itubula yoo. Amen! Haiba kuna ni sika kaufela seo litokwa likolo za luna kacenu, haiba ki sika kaufela se li tokwa likeleke za luna kacenu, ki kuitubula kwa hao unosi, kuzwa kwa mihupulo ya hao kasibili ni mata a hao kasibili. Mu itubule ili mina fapila Mulimu haiba mu sa liki kueza sika mwahala mina bañi.

⁹² Na sepa mina . . . seo sa kena hande mwatasi ku luna, bubeli bwa mo ni lifasi la matepu, hape, fo ha u lemuha kuli una ni kuba nto yesina tuso. Isiñi ya ziba lika kaufela, isiñi mutu yomutuna, kono ya si *sesiñwi*. Una ni . . . kuba liluli. Una ni kutaha fa sibaka seo u ziba kuli ha u sesiñwi. Mi u si ke wa ikangabeka fahalimwa sika, kakuli u sa pahama fela fahalimwa sona uka pahamela Mulimu. U lukela kuipuluka mwa liluli mwa musipili wa kuya kwa Damaseka. U lukela kutuluka fa lipizi za hao ze telele. Mi zeo ki za libaka kaufela, mo ni mwa lifasi la tepu.

⁹³ “Mubulelelo waka,” na ize, “hauyo . . . ka manzwi a ku shemaeta a kwa butu ni butali bwa butu, kono mwa ponahazo ya Moya o mata.”

⁹⁴ Cwale amutalime! “Ka sikamañi, Paulusi? Kiñi so ezeza se?”

Mata! Kuli tumelo ya mina isike ya yema mwa butali bwa batu, kono mwa mata a Mulimu.

⁹⁵ Oh, ha ki mukutazi ni yoo! Yena muuna yomutuna yo . . . Na batile Mulimu, mi ki hali, “Mulimu, Na fokola mi Ha—Ha ni zibi sa kueza. Na Ku lapela fela, Mulimu, kuli uni tiise u zwise matuku ku na, ni lika zee, kuli Ni kone kuba ya tiile hande.”

⁹⁶ Mulimu a bulela ku yena, ali, “Paulusi, mata a Ka a petahalile mwa kufokola kwa hao.”

⁹⁷ Mi Paulusi ali, “Ha Ni fokozi konakuli Ni tiile. Eeni!” Ki hali, “Kona kuli ni ka . . . Ni ka nyakalala mwa ñalelwa yaka ni mwa bufokoli ni zeñwi cwalo. Ni itumela ku Mulimu kuli Ni zwisize lika zeo ku na. Mi ha Ni ba ni zwise lika kaufela kuna, kona kuli Mulimu wakona kutaha kuna. Kono haibile fela Ni nani zeñwi ze ama na fela mwateni, kipeto Mulimu hakoni kukena mwateni.”

⁹⁸ Zeo, ki zona, lwa—lwa Mu bulaela kwande. Lwa Mu lelekela kwande ka zaluna . . . Kuzwa kwa babotana bamwa tasi kuli ba luna kuisa kwa bafumi ba luna, kuzwa ku babanyinyani kuisa ku babatuna, lu leleka Mulimu kuzwa mwa bupilo bwa luna ka luna bañi.

99 Ni bulezi hañata kuli, “Sila sesituna se Ni nani ki William Branham.” Ki yena ya kenanga mwa nzila ya Mulimu. Ki yena ya banga ni buzwa. Ki yena ya fita fa sibaka fokuñwi ko a nahana kuli wakona kueza sika ka sona, mi, ha eza cwalo, sani si kasheza Mulimu kwande a siswaniso. Kono ha Ni kona kuzwisa mutu yani mwa nzila, ha Ni kona kufita fa sibaka sa kuli u zwa mwa nzila, konakuli Mulimu wakona kutaha ku to eza lika zeo William Branham asina za ziba ka zona.

100 Fani kona fo Mulimu akona ku itusisa wena. Fani kona Fa kona ku itusisa mutu wa ku mina kaufela. Wa kona ku itusisa mutu kaufela ha luzwa mwa nzila. Kono ibile fela luipeya mwa nzila, konakuli halu koni. Ku lukile.

101 Cwale lu fumana kuli, yena mutangana yomutuna yo, Paulusi, nali—nali nduna mwahala bakutazi. Na kutekiwa ka kopano ifi kaufela. Muuna yani na kaya kwa muleneñi wa lata mi na ka ba ni mukopano kai ni kai. Kakuli kiñi? Nana ni mapampili a mupaka. Kiñi, ne li yomutuna luli, mi na itamile luli kuli uka sinya sicaba kaufela sene si fokola, kufitela aba ni mata ana zwelela ku muprisita yomutuna, bundume bwa muprisita yomutuna, kuli atame mañi ni mañi wa Bakkreste bani. Mata a bubusisi kuzwa kwa keleke ya habo, kutama kaufela bona! Oh, na li ya tiile! Na tama Bakreste ni ku ba nepela mwa tolongo kakuli ne ba sa lumelelani ni yena ka lituto za hae za bulapeli, fa lituto za Bafarisi ni Basaduki. Na sweli kutama Bakreste.

102 Kono, mulemuhe, nana ni ku tamwa, yena kasibili, kuli a lukuluhe, na kona ku tamulula mata a hae ni bundume. Na tiloba ya tamilwe, yena kasibili, kuli a latehelwe ki sa na nani mata a ku tama ka sona. Nana ni ku tamulula sa nali sona, kuli a tamwe.

103 Mulimu ufitelelanga babatuna! Na fitelezi baprisita. Na fitelezi ba ba inuneka. Mi Aketa Paulusi, yena muuna yomutuna yo, ni ku mu wiseza mwa liluli la lifasi ni kueza lika za kuli yena...inge ze ne baeza babañwi bani. A ba konisa kueza mwa...a muezisa lika zeswana ni ze ne baeza ba na sweli kukenya mwa litamo. Na tamile Paulusi ka Moya wa Mulimu, kuli amu tamulule kwa mata ana nani kutama Bakreste ka ona. Mu ni bulelele kuli Mulimu ha zibi Sa sweli kueza? Na ngile mata a hae kuli latehelwe ki mayemo a—a hae.

104 Ki balisana babakai bao Mulimu akona kuitusisa kakusasana cwana kabe ne ba ka lumeleza fela Mulimu ku ba tama ka Linzwi la Hae ni ka mata a Hae, ni ku batamulula kwa mata a likopano zani ni tutengo! Ki batu ba bakai baba sepahala mwa muleneñi wo, kakusasana cwana, babayanga kwa likeleke zetuna za likopano ze, ki babakai ba Na ka taza ka Moya o Kenile, kuli tumbule mulilo naha ye ka Evangeli ni mata, kambe ne ba kanga fela ni ku ikambusa kwa mata e ba nani mi ni kutameha ka Moya wa Hae, kuba sina Paulusi mwa na bezi, mutanga wa lilato ku Mulimu!

¹⁰⁵ Mulimu na ngile Paulusi ni ku meza mutanga, amu tama ku Yena ni ku mu lumela ku Bamacaba ba na toile. Kono, mwa bona, nana ni ku tamululwa kwa mata a hae a za bulapeli, kuli atamehe kwa mata a Mulimu. Nana ni ku latehelwa ki mata a hae mi aba ya fokola mane kuba noto, kuli a amuhele mata a Mulimu, ku tamiwa ki Mulimu, kueza sa na ka mu bulelela Mulimu kueza.

¹⁰⁶ Sani kona se luna ni kueza kacenu. Seo kona se Ni tokwa. Seo kona sa tokwa mutu kaufela, ki ku latehelwa ki buyena, kulatehelwa ki mata a hae, kulatehelwa ki sa li sona, kuli akone kuba ni kuipeya ka kutala kwa Moya o Kenile. Mufumahali wa mwa lapa utokwa ona zeo. Mwana sikolo wa mushimani utokwa ona zeo. Lunga . . . neba bana baluna babanyinyani.

¹⁰⁷ Mushimani nyana yo Ni sweli kunahana, maabani musihali kamba maloba, kambe maloba ale zazi leliñwi, na ilo biza muhulwana hae wa musizana kuli amu ñolele lipalo kapili, mi azwela fande ni ku bulelela bashimani babañwi babanyinyani, ali, “Whew! Lipalo zateni neli ze bunolo.” Mwabona, ba lutilwe, mane, kuli bulele buhata.

¹⁰⁸ Likona kuba zende cwani . . . Mi batu bao mane ki misumo mwa keleke. Ku kona kuba bunde bo bukuma kai kuli Ndate, kakusasana mwa nako ya mukushuko, abulele kuli, “John ukaba ni tatubo kacenu. O Mulimu, ube ni John! Tusa John! U ni kupile mwa musiyi kakusasana cwana, mi ali, ‘Tate, a mu ni lapelele kwateni kacenu, Ni lukela ku yemela tatubo yaka. Mu ni lapelele kwateni.’”

¹⁰⁹ Ne ni ka tabela kuli mushimani waka abe ni—ni kusiyala tatubo ka “F” fa pampili ya hae kupalelwa kupasa hande, kufita Ni zibe kuli upasize hande ka “A” kanti ki ya kukopisa. Eeni, sha! Se lutokwa ki ku tamululwa kuluna bañi, luitinge fela ka kufelelela fa mata a Mulimu.

¹¹⁰ Cwale, “kutamiwa.” Mulimu ufitelela babatuna ni kunga baba fokola. Mulimu u fitelela baba hupula kuli ki sesiñwi, unga mutu ya sa zibi sika kuli abeleke mulelo wa musebezi wa Hae mwa hupulo bwa bona. Kona ze lu fumana.

¹¹¹ Mulimu naize ku Paulusi, “Mata aka a petahalile mwa mifokolo ya hao. Mata—Mata aka aba a petehile hauya u ba ya fokola luli. Haunze u i peya hahulu ku Na kona mo u ka bela hande mi Ni itusise wena. Ha u ka libala za lituto za hao, ha u ka libala za kopano ya henu, ha u ka libala zeñwi ni kuipeya ku Na, kona mo Ni kona ku itusiseza wena. Kakuli u kaba ya fokola, Nika—Nika ba ni kutiisa mulelo wa Ka Tota.”

¹¹² Mulimu wakona kueza mata kuzwa kwa mifokolo! Leo kona libaka Ha ezanga cwalo kamita. Ha Na ketile balutiwa ba Hae, be ne ba hupula kuli . . .

¹¹³ Kuishuwa kwa Mwana Hae Tota ha Na pepezwi mwa sicelo, mwa sicelo sa mwa manyalala, mwa mulaka wa likomu, mi a tatezwa mwa liapalo za bumbututu! Mwabona, Na ka taha ka

muleneñi. Na ka taha inza shetumuka fa malibela a Lihalimu, mi kaufela . . . mi Mangeloi kaufela inza mu opelela. Kono Aketa kueza Kreste kuba Mutala wa luna, kuba wa luna, mi Amutisa hande ka kuishuwa.

¹¹⁴ Na si ka Mu luta ka likolo za lifasi le, kono Na Mu lutile ka mata a Hae Tota, ku . . . ili kuli Aipatulule ka kutala Iliyena, isiñi kwa mihupulo ya butu kamba mata a lifasi, kono aipa Iliyena kwa mata a Mulimu.

¹¹⁵ Mi zeo kona ze li luna kacenu, luipa ili luna kacenu mwa likopano zaluna zetuna ni libaka. Lu ipa ili luna kwa kopano, ze ina ni kubulela, ze ba bulela *bona* ka yona. Kono zeo za shutana ni tato ya Mulimu. Luna ni kuipeya kwa Moya wa Mulimu ni kuya ko Moya ubulela kuli lu ye. Yeo ki niti.

¹¹⁶ Maheberu ba Mulimu bao luna, kamba, masole ba Mulimu, nitaluse, “lindwalume.” Kona lu sa zo bala mwa fela mwa Buka ya Maheberu, kauhanyo ya 11 ni timana ya 34.

. . . *mi mwa kufokola ba fumana kutiya, . . .*

¹¹⁷ Ne bana ni kufokola ba si ka ba kale ni kutiya. Mi mwa kufokola kwabona ba eziwa baba tiile. Mina musweli kuñola Mañolo, kulo koo, Maheberu 11:34. Ki yona.

¹¹⁸ Ki ye taba ye swanela ku lu ombaomba. Ki ye taba ye lu susueza. Mwa kufokola ni buishuwi Mulimu aketa sicaba sa kuyaha Mubuso wa Hae teñi. Haiba lu ka yo punya Lihalimu, haiba lu ka yema Fapila Mulimu ni Keleke ya Hae, lu ka yema mwa sikwata sa batu baba fokola ni baba kendilwe ni ku lelekiwa mwa lifasi, ni ba ba sa zibi sika.

¹¹⁹ Hanili ki nto yenca kuli Mulimu u lu swanisa kwa lingu? Ngu ki folofolo ye sa koni ku isileleza inosi. Hakuna folofolo yesina mata a ku itibela inge ngu mo iinezi. Shakame ya kona kumata; kamale ya kona kukena mwa mpako; nja ya kona ku luma; tau ya kona ku ñwalaula; mbongolo ya kona ku laha milezele; nyunywani ya kona kufufa; kono ngu haikoni kuitamulela.

¹²⁰ Mi cwalo kona mwa batela Mulimu kuli lube. Ku lemuha kuli hakuna se luikonela, kipeto Mulimu ukanga mutu yani ni kukala kuipupa Iliyena ku mutu yani; kueza kuli mazoho a hae aeze sa na ka eza Mulimu, kueza milomo ya hae kubulela seo milomo ya Mulimu ne i ka bulela; kakuli ha ki a hae, ki a Mulimu. U kala kubupa mukwa, ukala kunga bufokoli bo ni kueza Za Hae Kasibili.

¹²¹ U lutisa mwa lifasi mo, kakuli kanti . . . Lu itutile, lu baba butali. Kana mukile mwa lemuha mibamba, mabasi? Ha lunga, ka mutala, sina Abele, kuzwa ku Abele kwa taha Seta; Lusika lwa Seta lwa taha ka kutatama cwalo, mane ku to fita kwa nako ya Nuwe, kaufela bona neli fela linji ze inyandela. Kono bana ba Kaine baba ni ngana, bunangu, baituta, baana babatuna, bayahi, baana ba cuukile.

122 Kono siemba sa Mulimu neli baba bunolo. Kona Mulimu mwa na itusiseza bona. Yeo ki kolo ya Mulimu. Yeo kona nzila ya Mulimu ka kufita ku luna, ki ha lu se lu fokola. Lu ka amuhela sika fo cwale. Se sa susueza, eni sha, kakuli Mubuso wa Mulimu kaufela u yahile fa batu ba mufuta o cwale ka woo. Mi cwale ha u ba mwa nzila ya mufuta wo cwalo kipeto uka—uka kona. . . ku ba mwa Mubuso wa Hae.

123 Taba ki kuli, ni luna, kuli. . . ha ki kuli lwa fokola luli, taba ki kuli lu tiile hahulu. Luna—luna—luna lu tiile fela hahulu. Kufelile. Taba yateni ki kuli luna ni litho tata. Yeo ki niti, lu tiile hahulu mwa litho. Lu ziba hahulu zeñata. Mulimu ubata ku zwiswa lika zeo ku luna. Yeo ki niti. Lu tiile hahulu, lu tiile hahulu kuli luipeye ku Yena. Lu swanela. . . Lu—lu ipeya kuluna bañi. Lu swanela kunahana kuli, “Kihande, cwale, Ni—Ni ziba hahulu zeo!”

124 Ne ni komokile masihu nyana afelile boma ha ne ba kula, mwa sipatela. Na ya kwa. . . Nekuna ni kalibe nyana ya pila bukaufi ni ndu yaluna. . . Haiba kalibe yani uteni mo, u ni swalele, kezeli. Ki musizana yomunyinyani wa Kentucky yazwa kwani, mi ne luli. . . mi yani neli mukwenyana hae. Mi ne Ni sweli kuambola ni yena busihu bwani, musala ka ni Na, kwani ka nako ya wani kiloko kakusasana. Mi muuna hae na sa lobezi fafasi mi a kena mwa buloko; ki hali, “Zwa mo! Ha u yomunde ku bomaho, nihakuli cwalo.” Mi ba mu leleka mwandu, muuna hae, kuzwa mwa muzuzu, kakuli na lobezi fela kulibana ni sikwalo koo ma nesi, hakuna ya na kena mwahali; inge asweli fela kuhona mwa na latela, fa bulilo. Kacwalo a mu zusa ni ku mu lelekelafande.

125 Mi akala kumbombola kwani. Na kala kuambola ni yena za Mulena, ni zeñwi cwalo. Mi ki hali, “Kihande,” ki hali, “ze Ni ziba fela ki koloi ye hohiwa ki mota ni pepa ya kwai, kakusasana luli, ni pakelanga ku tahula bucwani ni kuzwisa matali a maswe kwa kwai, ni zeñwi cwalo.” Ali, “Kono, Na ku bulelela,” ali, “bondate ne ba lu kenyize, sikolo mutu ni mutu.” Mi ali, “Ni teñi haluna ngana.”

Na hupula kuli, “Kihande, mwendi kona libaka.”

126 Wbona, una—una ni kuzwisa lika za lifasi ku wena. Cwale, ha Ni yemeli kusa ziba, haki—haki zeo, kono Ni lika kunahana kuli ha u fita fa sibaka fo nahana kuli wena u—ziba feka zeñata kufitela mane hakuna mutu ya ziba sika ka zona. Zibo ya hao ilukile haibile fela ha—ha i lwanisi lisepiso za Mulimu.

127 Lu zamaiswa ka maikuto a ketalizoho, mi ona maikuto a ketalizoho ani (kubona, kulwaza, kuswala, kununkelela, ni kuutwa) ki a mande haibile fela a lwanisi maikuto a Tumelo. Mi haiba a lwanisa Tumelo. . . U ka ziba cwani ze lukile? Kakuli Tumelo ikana i lumelelana ni Linzwi. Mi cwale haiba—haiba tumelo ya hao ya shutana ni Linzwi, kamba unahana kuli i cwalo, kona kuli hauna Tumelo. Una ni tumelo ya ku ipangela.

Una ni muikumuso mwa maikuto a hao, bakeñisa tuso ya lituto zo fumani, kamba nto yeñwi. Kono ha u ba kwahule ni zeo ni kuitinga ka kufelelela fa Tumelo, mi Tumelo ikona fela kuyahiwa fa Linzwi la Mulimu (Tumelo ye lukile).

¹²⁸ Mualafi nako yeñwi naize kuna, ali, “Na lumela, Billy, haiba sicaba sani. . . haiba u ka ba bulelela kuli ba ye kwani mi ba yo swala kota yani, yona kota yani, mi haiba ba lumela kuli ba ka foliswa, ne ba ka foliswa ka kuswana fela.”

¹²⁹ Se nili, “Batili, sha. Ha ki cwalo, dokota, bakeñisa nto iliñwi ye, mwabona, batu bani ba zina kuli yani ki kota fela. Ba ziba kuli hakuna mata kamba neba kutiya mwa musumo wani.”

¹³⁰ Kono mutu kaufela ya nahana hande u ka ziba kuli leo ki Linzwi la Mulimu yapila, leo Ni kona kuyendeka tumelo yaka teñi ni kuziba kuli SA BULELA MULENA KISONA! Mi haiba za shutana ku Sani, kipeto ha Ni lumeli mwa maikuto aka. Batili, sha, ki ku asiya fela anosi. Zamaya ka maikuto asili, ao ki maikuto a Tumelo.

¹³¹ Ki hande, Mulimu unga sicaba sani kuli sieze. . . Ha ba si sesiñwi, ha baka ipeya ku Yena.

¹³² D. L. Moody wa kwa Chicago, nali wa kwa Boston, nali muluki wa makatulo; mutu yomunyinyani, yo musisani, yasa ikoneli, na si ka itinga kuyena anosi. Cwale, munge likolo zetuna ze ba nani, zebizwa kuli Moody School kulo kwani, kambe Dwight Moody na ka zuha hape ni kubona sikolo sani, nto yapili ya na kaeza Dwight Moody ki ku sikwala sikolo sani.

¹³³ Haiba Martin Luther na ka zuha, taba yapili yana ka eza ki ku kwala kopano ya ba Lutheran. John Wesley na ka eza zeswana. Baana bani ne ba si ka kalisa likopano zani, neli baana bene batile mwa mulaho, kona bene ba li ezize.

¹³⁴ Paulusi na si ka ongaonga nihaiba keleke, kakuli na bulezi cwana, yena kasibili, “Kasumulaho wa kuya kwa ka, baana ba sicaba sa henu ba ka taha mwahala mina, ba bulele lika ze lyanganisa.” Neli kasumulaho wa lifu la Paulusi, ni myaha ye mwanda (kamba myanda yemibeli) kasumulaho wa fani, kuli ba ongaonga keleke ya Katolika, kopano yapili.

¹³⁵ Baana ba nanuha! Neli kasumulaho wa lifu la Moody kuli ba ba ni Sikolo sa Moody; kasumulaho wa lifu la Wesley kona ba to yaha keleke ya Wesley; mwa mulaho wa lifu la Luther kona ba yaha keleke ya Luther. Mulimu alumanga bahali; mi ba yaha. . .

¹³⁶ Ki kabakaleo Jesu naize, “Mina—mina mamota a maswe!” Ki hali, “Mina—mina mu kabisa mabita a bapolofita, kanti ki mina mu ba beile mwateni!” Yeo ki niti.

¹³⁷ Baana babatuna ba ha ba tahanga; kipeto ba yaha kupuzo kubona. Na sepa, inge fela Davida mwa, “Na sebelelize Mulimu hande mwa lusika lwa hae.” Kona kuli kona mwa kuezeka cwalo.

Mutuhele likopano ni lika zeñwi mwateni, zeo, libe kwahule ni mina.

¹³⁸ Moody, muluki wa makatulo yomunyinyani, na li ya fokola. Na li mutala wa bufokoli. Nto yapili ye bulelwa kuli Moody na iezize. . . Na sina tuto ni yekana, mi sikuwa sa hae neli sa kulobaka luli se si maswe maswe. Muuna yomuñwi natile kuyena nako yeñwi mi ali, “Bo. Moody,” ali, “sikuwa sa mina tate kona se si fosahalezi mukwazo ku se Ni utwile fateni mwa bupilo bwaka.”

¹³⁹ Ki hali, “Ni wina mioya ka ku sa ziba kwaka, wena u eza sikamañi ni tuto ya hao?” Ni sepa kuli yani neli kalabo yende. Luli neli yende!

¹⁴⁰ Mi cwale, ha u ba membala wa Sikolo sani, ka niti u lukela kuba muituti ya cuukile hande. Yeo ki niti. [Muzwale uli, “Ki ku lishutanisa fela!”—Mu.] Cwale, ehe, ba “lishutanisa fela” kona niti, kukuta kwa mulaho ka neku leliñwi.

¹⁴¹ Seo kona se ba ezanga batu. Ha ne Ni bulezi kwa makalelo a liñusa la ka . . . Kufita kuli Bakreste ba ikokobeze ili bona ni ku i kusufaza kuli ba fumanele Mulimu sibaka sesituna, balika ku icahela zibo ye ba ikupulezi, kamba sikolo sesiñwi se si luta za bukwalu bwa mapangapanga, kamba nto yeñwi, ye ba zwisa ku Mulimu kufita mo ne ba inezi ha ba kalisa.

¹⁴² Kona ze Ni nahana ka lipizo za kwa katala ze si za niti zee. Wa mu tisa, mi nako yetatama iba nto yetata linako zelishumi ku mu kutisa ka swanelo hape. A ine ni kuteeleza kufitela Mulimu a muezeza sika! Mi kipeto atahe ato baka ka kubulela, ni kunanuha, abize Libizo la Mulena. Yeo ki niti.

¹⁴³ Mulemuhe Moody, ya fokola mwa tuto, wa linzwi le li fokola, a bilaela ka kulula moya mwa lingo za hae. Ne ni sweli kubala likande la hae la kae zazi leliñwi, “A buyanela mwa lingo za hae, nana ni butata bwa libelenge.” Ka mubili neli yomusisani, muuna wa sitenda, mahaha ali kuli fwaka kaufela. . . ? . . . ; yomunyinyani, mwanana, muuna yomukuswani. Ka mubili, neli wa liyemo ze sehisa. Kacwalo na si na sika kwanda bufokoli nako kaufela. Kono Mulimu aitusisa yena kwa kunyunga lifasi mwa lizazi la hae!

¹⁴⁴ Nako yeñwi nekuna ni mubihi wa makande ya naile kwa mukopano wa hae (Ne ni sweli kubala), mi babihi ba makande, kuli ba bihe makande ka mufuta wa mutu nali yena (muuna yomutuna, ya kutekeha).

¹⁴⁵ Ikai kunupo fo mu timelanga matepu yani? Ki ye nji? Ni ka swala fela fateni foo.

¹⁴⁶ Neli—neli muuna yomutuna, Moody nali cwalo. Nali muuna yomunde. Mi kuli akone kuebelisa sicaba, ni ku ba buluka bali kuebelelwa. Kacwalo ne kuna ni mubihi wa makande ya naile ku

Bo. Moody mi ali . . . naile kwa mukopano kuli abihe makande a mwa na bonahalela mutu wateni . . .

147 Sina mubihi wa makande mwa na bihezi ka mubuleli yomuñwi wa bulumiwa, nako yeñwi, ali, “Muuna yani u bulela hande. Ki Muituti wa za Bumulumu. U itusisa sikuwa sesinde ku se Ni kile na utwa fateni. U buluka sicaba ka butali bwa hae. Wakona kubuluka batu bali kundwandukela kuebelelwa.”

148 “Dwight Moody,” nako ya taha mubihi wa makande, ali, “Ha ni boni se sili ku yena se si ebelelisa mutu.” Ali, “Nto yapili, u maswe ka mwa bonahalela. Nto yetatama, mubili wa hae hauna lilyemo. Nto yetatama” na bulezi kuli “ha si ka ituta. Sikuwa sa hae ki sa kulobaka ku ze Ni kile nautwa fateni!” Mi ali, “Una ni lilata ni kubuyana inge yakula sifuba ha kutaza.” Mi ali, “Hakuna se ni bona ku Dwight Moody se si kona ku ebelelisa ngana ya mutu kaufela.”

149 Bo. Moody ba tisezwa mutende wani. A u bala, mi a menya, nu kubulela, kuli, “Batili kutokwa; ki Mulimu. Luli! Sicaba ha si tahangi ku to bona Dwight Moody, ba tahanga ku to bona Mulimu.”

150 Batu habana taba ka zo bulela, ba bata buniti bobuñwi mwani mwa bupilo bwa hao bo bu paka kuli Mulimu u ku sweli. Ha ube wa Methodist, Baptist, Pentekota, kaufela so kona kuba sona, ba bata kubona Mulimu. Yeo ki niti, baana ba . . . baana babatuna, baana baba fokola ni kulemuha bufokoli bwa bona.

151 Mutalime Mushe, mutangana wa ngana ya butu. Oh, nali munituti. Na lutilwe hahulu mwa butali kaufela bwa Maegepita kufitela mane aluta Maheberu. Na kona kuluta Maegepita. Na kona kuluta mutu kaufela, kakuli Mushe nali muuna yomutuna, mutangana ya butali. Oh, nali muuna ya mata.

152 Ka muhupulo wa Cecil DeMille ka zona, fani—fani hana nani *Milao Ye Lishumi* i bapalwa, mi a lumela mutu yo kutaha yana li . . . Ni libezi libizo la muuna ya na bapalile siemba sa Mushe mwani, mubapali yomuñwi, kono muuna yomutuna ni mazoho amatuna ni mata. Mi Mushe mwendi na li muuna ya cwalo yani.

153 Lu ziba kuli nali tiile mi ya lutilwe hande, kacwalo a i kumusa, ka kubona butokwi bwa zazi lateni. (Oh, mi Mulimu taba ye ikene mwa butungi!) Ka kubona butokwi bwa batu, Mushe ni mata a hae a ipitezi ni kutiya kwa hae kwa na nani kuezha ni zona za . . . Na li muuna ya talifile. Na li Faro ya na taha. Nana ni zibo yetuna. Nana ni—nana ni mata. Nana ni mata a mwa mubili. Nana ni—nana ni lika kaufela. Kacwalo ki hali, “Ni na ni zona hande. Na li ziba kaufela. Mi haiba kuna ni mutu mwa naha yakona kulieza, ki Na. Kacwalo, Ni mutu wa hola ye Ni ka zwela kwande.” Mi ki ha ya ku yo taleleza musebezi o lukile mi mwa tato ya Mulimu, mi a tahisa mata a hae a nama. Mi Mulimu a li hana! Na si ka itusisa nto iliñwi yana nani Mushe.

154 Na si ka itusisa zona ka nako yani, kamba Yena . . . kamba mane hakoni ku itusisa zona cwale. Mulimu hakoni ku itusisa mata a luna a nama. Lu na ni kuikunga luna ni mata a luna kuzwa mwa nzila, ni kuipeya kwa tato ni mata a Mulimu.

155 Muli, “Kihande, muzwale, Na kona ku kutaza.” Hakoni ku itusisa sani ibile fela *wena* wakona ku kutaza. “Zeo li lukile, Na kona kueza *se*, Na kona kueza *sani*.” Hakuna so kona kueza. Kihande, kipeto Mulimu hakoni kuitusisa sona. Kono haiba uka ipa ili wena ku Mulimu ni ku Mu lumeleza kueza cwalo!

156 Mu li, “Kihande, Muzwale Branham, Na ziba. Ni muluti.” Kihande, haibile fela *u* muluti, kiñi, Haana kufita fahule hahulu. Kono Moya o Kenile ki yena Muluti wa luna. Luli, ki Ona! Mulimu na lumile Moya o Kenile kuba Muluti fahalimwa Keleke.

157 Batu babañwi baya kwa sikolo ka myaha ni myaha ni myaha. Ki sikamañi se ba eza? Mubalemitende ya na Upper Room, ni yeñwi cwalo (oh, zeo ki zende) munge mutende wa tuto ya sikolo sa lasunda wa ba Nationa Sunday. Hanina se ni lwanisa ka sani. Ao ki Manzwi a Mulimu, ni lika zeñwi, kono libeilwe hamoho ka butali! Lina ni kutaha ka mata ni zuho ya Kreste, mi haukoni ku itinga fa mata a hao fela a nama.

158 Kacwalo, Mushe, mutangana yo, muika yomutuna, muuna wa ngana ya butu, aina kuli aeze musebezi omunde; kono Mulimu ka bunolo, na si ka itusisa zona. Na si ka itusisa mata a hae a nama.

159 Mi ha lukoni . . . Ha ki kacenu, kuli ha lukoni . . . Mulimu hakoni kuitusisa mata aluna a nama.

160 Kono kuna ni nto iliñwi yana nani yona Mushe ye Ni ikumbuta, nana ni ngana luli ya kuziba kuli na lwazizwe. Luna ha lu si kabe. Ku felile. “Lu ka yaha kopano *yenca*. Lu ka nga mutu yomuñwi yana ni mpo ya kufolisa, kamba nto yeñwi,” ba Pentekota, mwa bona. Mwabona? Luna—luna ha lu zibi fela ka swanelo mwa kulemuhela kuli lu lwazizwe. Keleke ya Pentekota, ya ba Assemblies of God, ya ba United, ni zeñwi ze siyezi, kubonahala inge kuli habana mata a kuziba kuli ba lwazizwe. Haleluya! Oh, Ni lakaza kuli kambe Ne ni ka eza taba ye kuli iswale hande. Ba lwazizwe. Kopano ya keleke i lwazizwe! Kinto yeswana fela sina United States i lwazizwe, kusaba ni ku kangangama, ni ma bomba inge anyendaela kubona, ba ziba kuli ba binile ni kulibisa bupilo bwa bona kwa lihele. Mi ba lwaziwa, Moya wa zwa ku bona. U lukela ku kokolela likota kuli mitangana ba ye kwa ndwa; ba boni sene si ezahalile ku omuñwi woo. Lu lwazizwe! Keleke i lwazizwe. Ba ziba cwalo.

161 Mushe na li lemuhile, mi aziba hande ka nako yani . . . Mulimu amu kutisa kwa mulaho, mwa lihalaupa, ku yo ituta mifokolo yeñwi ya batu. A mu kutisa ku yo ituta ze ne taluswa. Ki hande hana na itutile! Oh, mawi, kana akile aba ni tuto! Mulimu

nana ni nako luli ya kuba ni yena kwa mulaho kwani! Mwa ziba, Mushe neli wa kacimacima; mi Mulimu a mufa musali wa libizo la Zipora, neli wa kacimacima, ni yena. Kacwalo Ni nahana kuli lika kaufela ne li sa tabisi kwa mulaho wa lihalaupa fa nako nyana, mi bubeli bwa bona tucimacima twabona ne tu felelanga mwa halimu ka nako yeswana.

¹⁶² Ni sepa kuli minahano ya hae ya butu ya ka mwa na swanela ku sikululela mutu na si ka iziba hande, kakuli, ha na li mwa musipili wa hae kuliba kwa Egepita, Ni bona Zipora u sa na ni kacimacima. A sehulula litalo la mwana hae kuezwa mupato ni ku li nata Mushe, ali, “Wena u muuna ka wa mali kuna.”

¹⁶³ Mi Mulimu a mu nyemela hahulu A . . . mu bata bata mwa ndu ya baenyi, ha Na ka mufumana Na ka mu bulaya. Ni sepa kuli nekuna ni lika zenyinyani zeo Mulimu na mu lutile kwa mulaho kwani, mwabona, kuli nali mutu. Butali bwa hae kaufela bwa Egepita ni mata a hae kaufela a butu, Mulimu na si ka itusisa yeñwi ya zona.

¹⁶⁴ U taha, mi uli, “Cwale, Mulena, Ni bile mwa sikolo fa lilimo ze mashumi amane cwale, Na ni—Ni mwana sikolo ya itutile. Na kona kubulela Bibebe inge ni itimile kwa meto.” Mulimu hakoni kuitusisa siemba sa zeo. Mwabona? Batili.

¹⁶⁵ “Oh, Ni wa keleke yetuna hahulu ku zeliteni mwa naha. Ni—Ni wa . . . Ni wa se, Mulena. Oh, Ni wa Pentekota. Ni . . . Kanya ku Mulimu! Ne ni amuhezi fela Moya o Kenile busihu bobuñwi. Haleluya! Mu ka ni eza kuli ni eze sa *kuli-ni-kuli*.” Mulimu hakoni kuitusisa siemba sa zona. Batili!

¹⁶⁶ Nako kaufela ha u lwaziwa mi ulemuha kuli u lwazizwe, mi ukuta ni kuikokobeza ili wena. Ube ya fokola, u lemuhe kuli u mutu. Mi hakuna neba yomukana ya itutile yakona kuezwa . . . Mifokolo ya butu haina ku itusiswa ki Mulimu; Mulimu ka bufokoli bwa butu u ikenya Iliyena ku wena, kipeto U i tusisa Iliyena. Wena ube fela sibelekiso. Kiniti! U lukela kuzwa mwa nzila.

¹⁶⁷ Mushe, oh, na itutile, na itutile bufokoli bwa mutu handende. Na itutile zona hande, kufitela, Mulimu a mu biza, nana ni mifokolo ye sebene ya na ka kananisa pizo ya Mulimu. Kana mukile mwa bala siemba sapili sa Exoda, mifokolo yesebene? Ni—Ni li ñozi fa. Ni bata kuli muteeleze ku zona. Bufokoli bwapili bwa na nani kibo na sina liñusa. Bufokoli bwa bubeli na sina bundume. Bufokokoli bwa bulalu na sa koni kubulela hande. Bufokoli bwa bune neli sihozo. Bufokoli bwa buketalizoho neli bufumu. Mi bwa bu silezi beli kamuhelo.

¹⁶⁸ Cwale, bapanya za hao ni kubona haiba wakona kulikanyeza ku zani, ubone haiba wakona kufokola sina mwa na inezi yena. “Mulena, Na—Na hani yomunde. Hani koni kubulela. Ni—Ni—Ni bulaile Muegepita. Hani koni kukuta mwa mulaho. Oh, lika kaufela! Habana ku ni amuhela. Hanina liñusa. Nina ni . . . Ha

ni koni kubulela. Mi Ni—Ni na ni bunya kwa kubulela.” Mi mubone mwa na inezi? Na si nto isili! Muzwale, na alafilwe. Eehe, Mulimu na ka itusisa yena kasamulaho amano susumezwa. Mwabona? Eehe.

¹⁶⁹ Zeo ki...Wakona ku itusisa luna kasamulaho lumano alafiwa, kufumana kuli “Ph.D. Yaka ni LL.D. ni amabeli ma L.D.,” kamba seo kaufela sikona kuba sona, “madigiri aka kaufela ha ki sesiñwi.” Mulimu hakoni ku itusisa ona!

¹⁷⁰ “Kihande, Ni wa Assembly of God. Ni wa ba Oneness. Ni wa Baptist. Ni wa Presbyterian.” Mulimu hakoni kuitusisa siemba sa zeo! U sa kona fela kuzwa kwateni kapili, kihande, ki mo ka bela bunde wena—wena—wena u ka i peya hande ku Mulimu.

¹⁷¹ Sina mupolofita mwa na inezi, ali, “Ni mutu wa milomo ye masila, mi ni mwahala sicaba se si masila.” Mi Lingeloi la ya mi langa lishala—lishala, mi la ya kwa aletare ni kunga lishala la mulilo ni ku li ngunyutisa milomo ya hae. Mi a huwa ali, “Mulena, ki Na yo; Ni lume.” Eehe, kasamulaho amano lemuha kuli na . . . Ibo nali mupolofita, nana ni milomo ye masila.

¹⁷² Lu sa lemuha fela kuli ha—ha lu sesiñwi, kuli ha u sesiñwi, u liluli la lifasi . . . Mulimu hakoni ku itusisa wena . . . Eeni, za hao- . . . Mifokolo ya hao kaufela haikoni kulikana ni ya Mushe’. Nana ni mifokolo yesilezi yeshutani fa, kono na itutile mifokolo ya batu.

¹⁷³ Cwale mutalime shutano ye mwahala Mushe *yani* ha katana Mulimu, ni *Mushe* ya na talima fa . . . ? . . . sina kacenu. Ali, “Kuli, lutokwa sa *kuli-ni-kuli*! Lu tokwa ancafazo mwa naha. Ni ka mi bulelela se Ni ka eza, Ni ka kuta ni yo bala kufitela Ni be ni Bachelor of Art. Uh-huh! Na kuta ni yo bala kufitela Ni ba ni kubeiwa fa situlo sa kuba ni LL.D. Ni ka ituta za mishobo ni libuka. Ni ka eza ze kaufela, mi kona Ni ka ya mi Ni be ‘muuna ya zibahala wa kacenu.’ Ni ka bulaya mitangana ye kaufela ye ne kalezi kwani.” (Oh, muzwale!) “Ni ka iyaceha muyaho ofeza ma dollar a eza sili milioni. Ni ka itekela limota zetwelufu. Mi . . .” Oh, muzwale! Wakona ku—wakona kuitulela fela usike wa kalisa, kakuli u lwazizwe ka ku kala, mwa bona. Kono butata bwateni kacenu ki kuli ha ba zibi!

¹⁷⁴ Ba nahana kuli ha una ni milili yetatani ni kutina masuti a tuxedo ni kubulela kuli “ah-man” ka bunde luli, ni zeo kaufela sina cwana, ni kuba nabi. Sani ki sipupe sa musali!

Mulimu ubata baana, baana ba bumulimu, baana ba bakona kunyunga!

¹⁷⁵ Kono kacenu luna lubata Hollywood. Lu bata sesiñwi se—se si lakazisa meto aluna. Lu bata sika se si kona kubulela ka bunangu luli kuli mane lukona kulobala mwa mizuzu yeketalizoho nako yeo la . . . Sunda kakusasana.

176 Mulimu ubata bakauhanyi baba kona ku li hasanya sina lubya lwa lumonyi, kunyaza sibi kufita ni kwa mibisi, (yeo ki niti) kukata ku si shitula.

177 Kono luna. . .Lu bata balisana ba luna ba ngana ya butu. Buñata bwa sicaba sibata mulisana ya shobota, mutu ya ka li, “Eni, mulatiwa.”

Mulimu ubata mishika ya pula! Eeni, sha.

178 Ku ba nata fa mukokoto, ni milili ye mikuswani yani ni mipende cwalo, ni lika zeñwi kaufela, ni kutina liapalo inge kuli baba sululezi fela mwateni, ni lika zecwalo, mi atokwe kubulela linzwi ka zona.

179 Muuna yomutuna na ni bizelize mwa ofisi ya hae kwanu, (isiñi ofisi ya hae) ofisi ya hae kwa masimu, kwanu ha ki kale hahulu, ali, “Ni bata ku ku beya mazoho kuli u tuhele zeo!”

Se nili, “Usike wa eza cwalo. Usike wa eza cwalo. Batili, sha.”

180 Ha u ka tuhelisa seo, u tuhelisa Liñusa. U tuhelisa Mulimu ha u ka eza cwalo. Eni, sha. Ha lu lati ni yeñwi ya lika zeo.

181 Kana Mulimu na utwezi makeke Mushe ka kufokola kwa hae kaufela, ali, “Mushe yomunyinyani, sesiñwi—sesiñwi luli si ezahalile ku wena, uwile mwa digiri ya hao. Oh, mawi! Fa, eehe, no li muuna yomutuna, wa ngana ya butu, mi nekusina sene si ka ku tuhelisa. Muzwale, no nani ma Ph.D. ni ma LL.D., ni lika zeñwi kaufela, mi cwale ki fa cwale taha ubulele kuli ha u sesiñwi, haukoni kueza nto yeo. Wena—wena u ya fokola luli?” Batili! Mulimu na si ka mu utwela butuku. Mulimu na si ka ba ni makeke ku yena. Mulimu amu alafa kwa lika zani kaufela. Na sa mu utweli makeke.

182 Kono lu fumana kuli, haiba musweli mwa ñola, Exoda 4:14, “Buhali bwa Mulimu ne bu mu tulukezi.” Mulimu na si ka mu utwela butuku kakuli na li ya fokola.

183 Mu li, “O Mulena, Ni ikutwa fela bumaswe hahulu, Hani sepi kuli Na kona kueza cwalo.” Mulimu hana ku ku utwela makeke; ha u ikutwa kuli usweli wa lahakiwa hanyinyani. Mwabona? Mwabona? Luli. Mulimu ha ku utweli makeke; Uka—Uka ku nyemela mane. U sweli fela kutaha mwa sibaka sa swanelo fo kuli Aitusise we hande. Ehe.

184 Mushe na alafiwa, Mulimu na i tusisa yena. Nana ni mulyani, na likwahule ni kutiya kwa butu ka nako yani. Na si na sika fa na ka itinga nako yani, kakuli na—na itukisize cwale kuba mwa sebelezo.

185 Mulimu ali, “Lilimo ze mashumi amane kulo kwanu Ni bile ni wena ni Zipora inge mu omana ni kuñalisana fokuñwi kwande kwanu mwa lihalaupa le, kamba ukonile kufumana bufokoli bwa mutu kamba nee, fo u yemi kuna ni fo mulena yomutuna, ‘Lumela, Dokota Mushe. Ki kakusasana, Revurendi, Sha. Eeni,

sha. Mushe, ki wena mulena ya taha. Kaufela . . . Luna kaufela lwa nahana ka wena.' Cwale u kwanu mwa lihalaupa le ni mutapi wa lingu ni musala hao wa kacimacima." Mwabona? Sani sa mu bakisa. Eni, sha. Mushe mwa buino bo bu maswe, kono ki Hali, "Cwale Na kona ku itusisa wena, ha u lemuha kuli ha u sesiñwi. Cwale taha kwanu kwa sicacani se si tuka se, Ni bata ku kuluma." Oh, mawi!

¹⁸⁶ Mulimu, aku lufe zeñwi za mufuta o cwalo, ulufe ze fokola. Zeo kona ze lutokwa, zefokola. Luli!

¹⁸⁷ Neli Jakobo, mwa ziba. Jakobo na hupula kuli neli mushimani yomutuna nako yeñwi, mwa ziba, na bulela fela buhata ni kuzwelapili ni bona. Ayo beya litupa za mupolota mwahala lingu za mukwenyana hae ni likomu ha ne li itwezi, ni ku lifetula kuba lingu zena ni mapataka, ni ku beya litupa mwa mezi na li ya kwa kunwa mezi. Mi, taba yapili mwa ziba, Jakobo aba muuna yomutuna ya fumile. Luli. Na li . . . "Luli na bizwa kuli *Jakobo*, nekusina mafosisa," Esau ali, "na li 'kuluku' ku lukile." Kacwalo na li kuluku. Na taha mwa mulaho hande, inza hula, nana ni mitapi yemituna ni basali ni lingu ni likomu ni lipulu, ni—ni lika kaufela, nana ni lika kaufela.

¹⁸⁸ Kono busihu bulibuñwi (oh, mawi!) hana ilo fita fa kasa kakanyinyani ka nako yeñwi, na ka sila, ataha fa sibaka sa kuli Lingeloi ne li mu sweli. Muzwale, Jakobo wa kale na swalelezi busihu kaufela. Luli na swalelezi hahulu fa nako yetelele. Kono ha to ipa ili yena, nako ya na fokola ni kupalelwa kuitiisa . . .

¹⁸⁹ O Mulimu, lumeleza kuli keleke ibe cwalo, ifite fa kuli . . . keleke ifitile fa sibaka fo ipalelwa kuzwelapili kuitiisa mwa mata a yona a nama, kono ina ni kufa likute ku Mulimu. Mutuhele kuli Methodist ikutwe maswabi kuli ki ba Methodist. Mutuhele ba Baptist ni kutuhela kuli ba Pentekota ba ikutwe maswabi ili bona, ni kutuhela ku swalelela ona cwalo, ni kuipeya kwa Moya.

¹⁹⁰ Neli ona fani kuli Jakobo atoba "mulena wa Mulimu." Bibeke ibulezi kuli na bile "nabi," mi libizo la hae la cinciwa. Mwabona? Mi—mi, muhupule, nali muuna yomutuna ya tiile kwa neku *le*, ka butali bwa nama nali ya tiile; kono kwa neku *leliñwi* neli nabi ya na cuñuta, ya fokola mi ya katezi, kono nana ni mata fapila Mulimu.

¹⁹¹ Eehe, wa kona . . . Kopano ya hao ya kona ku shandauka mwa liemba emba. Muikumuso wa hao ku bo yahile ni bona, wakona kuba "liñwalala ka mufuta wa kale" kuzwa fani kuya kwapili, mwa silalanda sa henu. Zeo zakona kuba hande. Kono Ni ka ku bulelela, ukaba ni mata ni Mulimu. Ni tabela kuba cwalo. Ni ka nga nzila yeo nako kaufela.

¹⁹² Balutiwa ba kuta inge ba nyakalala kakuli ne ba tabile kuli ne ba talimwa kuswanela kulwala kunyefuliwa kwa Musebezi

ni kwa neku la Jesu. Luli! Ba ka ku biza kuli “mupikuluhi ya kenile.”

¹⁹³ U zwe mwa sibaka seo nako yeñwi, tuhela kuli si lyangane. Aku tamuluhe ku za hao, “Kihande, uli, Ni wa Methodist,” kamba “Presbyterian” kamba “Ni wa Assemblies,” “Ni wa Oneness, Ni swana fela sina mina.” Ku lukile. Zwela fela fande nako yeñwi, zwa mwa nzila. Ube ni kaufela. . .

¹⁹⁴ Lingeloi li ku swale nako yeñwi, lingeloi la Mulena le li ka tisa Niti ya Liñusa. Tuhela li kuswale nako yeñwi, u ka kokobezwa handende kwa kolobezoi ya Libizo la Jesu, uka i kokobezwa ku babañwi ba Zona kaufela. Eeni, ukaba cwalo, luli uka eza cwalo. Ehe, uka—uka libala za butali ze kaufela.

¹⁹⁵ Mazazi nyana afitile, alimuñwi wa balikani babande hahulu ku be Ni nani, mutu yomunde, ha ne ni zwa mwa muzuzu Ni ma no ba ni lipuzo ni likalabo, na zwa mwa muzuzu, ali, “Muzwale Branham. . .” Mi mutu yo ubile alimuñwi wa batusi baka kwa masheleñi mwa mukopano kwande kwani. Na to fita fa sibaka fo ne Ni sa zibi mo ne Ni ka zamaiseza lika, neli kusepa fela Mulimu; mutu yo na ka li ñola. Eeni, ki mutu fela yomunde! Mi mutu yo aba fa musipili mi na zwa kwa muleneñi omutuna, kwanu masihu nyana a fitile, mi a yema mwa muzuzu ni ku ni bulelela kuli, manzibwana amañwi, ali, “Muzwale Branham,” ali, “Ni bata fela kubulela nto iliñwi.” Ali, “Hakuna mutu ya sa kulati kaufela ba ku lata ka mo Ni zibela.”

Se nili, “Ni tabile hahulu ka seo.”

¹⁹⁶ Ali, “Muzwale Branham, kuna ni fela nto iliñwi, nto iliñwi ye fosahalile.”

Se nili, “Ki ifi yeo, kezeli?”

¹⁹⁷ Ali, “Kihande, nto iliñwi ki ye, Muzwale Branham, kuli kambe no ka keshebisa fela hanyinyani fa Tuto yo nani,” ali, “kopano ifi kaufela ne i ka ku amuhela.”

¹⁹⁸ Na bona ona fani, Na hupula kuli. . .Na li, “Tuto mañi, kezeli?”

Mi ali, “Oh, kolobezo yani ka Libizo la Jesu.”

¹⁹⁹ “Oh!” Se nili, “Kono, kezeli, ha u ni kulubeli kuli ni kona ku keshebisa Linzwi la Mulimu mi ni siyale inge nili mutanga Mulimu.”

²⁰⁰ Mi ali, “Kihande, kwanu, kuna ni sikwata sa bakutazi bo Ni li tezi ku to yemela mwa muleneñi tuna woo.” Ali, “Haiba uka ba bulelela kuli Lingeloi la Mulena le li kufanga lipono ze li ku bulelezi kuli u kolobeze ka Libizo la Jesu, konakuli ba ka itakaleza ku Li amuhela.”

²⁰¹ “Kihande,” Na li, “kutwisiso yabona ki yebunolo kufita mezi a mwa sikotolo!” Se nili, “Hanina taba ka seo lingeloi kaufela li ka bulelela, haiba ha ki kuya ka Linzwi ha Ni lumeli cwalo!”

Se nili, “Haiba lingeloi lani ne li ka ni bulelela se si shutani ku Sani, Hanikoni ku lumela lingeloi leo.” Kiniti! Linzwi la Mulimu ki lapili, fahalimwa mangeloi kaufela ni lika zeñwi kaufela! Lingeloi la niti. . . Se nili, “Kambe na si ka ni bulelela Sani, Ne ni si ke na mu teezeza.” Eeni.

²⁰² Kalibe na sa zibi sa kueza. Ki hali, “Nali kuba ni utwe ze cwalo. Nali kuba ni zibe ze Cwalo.” Mwabona, ki fo he cwale. Kacwalo Na fa kalibe yani Liñolo leliñwi. Mi ki hali, “Na ya kwandu ni yo bala Testamente ye Nca. Nali kuba ni I balisise.” Mwabona, ki fo he cwale. Oh, mawi! Oh, mawi! Fani kona fo mu kafita. Oh, mawi!

²⁰³ Tuhela kulika kuswalelela. Tamuluha! Zeo kona zo ka itakaleza kueza: tamuluha kwateni. Jakobo, ha na tamuluhile nali fela hande, aba nabi mi aba ni mata ku Mulimu.

²⁰⁴ Neli Davida *yomunyinyani* ni baki tuna ya Saule inza tinile, ha na ya kuyo—kuyo—kuyo lwanisa Goliati. Mi cwale Davida ha na zwa kuli a yo lwanisa Goliati ni lilwaniso zetuna za na tinile zani, atalima kafa ni kafa, atalima kwa mulaho, na bonahala inge babañwi ba bona, kacwalo ali, “Kuna ni se si fosahalile fa.”

²⁰⁵ Ibile fela u swana sina lifasi ni kukeshebisa ni lifasi, ni kueza lika zeswana zeo lifasi lisweli kueza, kuna ni se si fosahalile.

²⁰⁶ Davida ali, “Se si bonahala hahulu kutibana. Nina ni Digiri ya Dokota, Nina ni Ph.D. Mwabona, Ni wa kopano yetuna, kana Ni kona cwani ku lwana ni lika ze kaufela? Hakuna se ni ziba ka zona. Hakuna se ni ziba ka zona!” Davida naize, “Amu ni tubule libyana.” Yeo ki niti. “Haiba Ni ka lwanela Mulimu Hani lati ku bonahala inge sikwata sa mapyeha se si yemi fa, kaufela bona inge batinile lilwaniso hande. Hanikoni kuba ni mukopano. . .”

²⁰⁷ Mikopano yemiñata, baana babañata, bakutazi babañata baba tahanga kuna ni kupaka kuli ba lumela kuli Libizo la Jesu Kreste li lukile kuli ba kolobezwe ku lona, kono bali, “Kopano ya luna ika lu lelekela kwande.” Wena buinyazo bo bushebile! Tubula lilwaniso za Saule!

²⁰⁸ Nife mata ni mata a Moya o Kenile! Mulimu, ni lumele ni kafwililo, hakuna taba kamba ki sikamañi (kamba ki yenyinyani cwani), ni ka bitela sila fafasi. Yeo ki niti. U ni lumele, kono usike wa ni lumeleza kutina inge babañwi ba bona ni L.L., Ph.D., Madokota, kaufela ki lika ze cwalo.

²⁰⁹ Davida ali, “Taba yateni hai bonahali hande.” Ki hali, “Hakuna se ni ziba ka yona.” Ki hali, “Nto fela ye Ni ziba, ye Ni nani yeo Ni. . . Kwa mulaho wa lihalaupa Ne ni sweli kulisa lingu za ndate.” Mi ali, “Tau ya taha mi ya to swala ngunyana yani ni kumata ni yona, mi Na ziba kuli yani neli ngunyana ya ndate, mi, oh, Ni—Ni—Ni. . . Ne ni si ka itukisa, kono Na nga fela kafwililo kaka ni ku imatisa.” Ali, “Ni i bulaya ni kulamulela ngunyana yani.” Oh, mawi! Bona inge bayemi fani, lilumo mwa lizoho la bona, ne ba si ka kona.

210 Bwani kona butata kacenu. Mulimu una ni lingu zeñata ze latehile, likopano ni lika li li uzwelize fande, ni kulitisa mwa lituto za minahano fela. Mulimu alufe bo Davida ni Linzwi la Mulimu ni mata a Mulimu, kuli ba lu zamaise ha lu ya kwa ku kopana ni mangangalume baba itutile bani (Kiniti!) ni ba ma Ph., kaufela, L.L.D., ma Q.U.S.T., kamba seo kaufela sili sona. Munife Linzwi la Mulimu ni mata a Moya o Kenile mi, Ni ka mi bulelela, kuli lwakona kubulaya ngangalume kaufela mwa simu. Kiniti! Lu tokwa batu baba kona. . .

211 Kiñi, Davida na li mubotana kubona kaufela kubene bali mwa simu, kuli a yo lwanisa ngangalume. Yena, kiñi, na—na si nto isili kwanda kuba fela mushimani. Mi Bibeles ibulezi kuli nali “yomufubelu,” mutangana yomunyinyani yana bonahala ku sosobana, mwendi neli wa maheta a weyukile cwalo, kaemba ka litalo la ngu aitatelize mwa teka. Nasina neba iliñwi ya lituto zatuna za ma digiri ni baba itutile hande. Hakuna sa na ziba ka mukwale. Hakuna sa na ziba ka tuto ye kaufela yana lutile Saule. . .

212 Saule neli yomunde hahulu ku bene bakona kuba ni yena, Bishopu Saule. Kiniti, nali toho ni maheta fahalimwa mpi yeñwi kaufela. Kiñi, nali—nali yena yana lukela kuya ku yo mu lwanisa, kono na saba.

213 Mi kacenu lu ziba kuli lutokwa ancafazo. Lu ziba kuli lutokwa kangisano mwahala sicaba. Hasina kunga Dokota wa Bulapeli. Si ka nga ya fokola (Haleluya) ya ka nga Linzwi la Mulimu mwa mata a zuho ya Krete ni kubulaya nto ye. Si ka tisa Krete mwa naha ya . . .ku ba lumeleza kubona kuli Usali yena ya kona ku kwalula meto a libofu, kufolisa bakuli, kuzusa bafu, mi ki Yena Mulimu, Mukomi! Amen. Lu tokwa Davida, ya si ka ituta mwa sikolo sa lituto za bumulimu, lu tokwa mutu ya sa zibi sika ka zona, mushimani nyana fela wa sikekele kamba nto yeñwi, mushimani yomuñwi wa maheta a weyukile, ya si na mayemo hande ha talimwa, uka taha inza zamaya mwa mukwakwa ni mata a Mulimu.

214 Boma ne ba shwa, se bali, “Billy, Ni sepile mi na ku lumela. U bile mata aka a moya, u ni zamaisize ku Mulimu.”

215 Se nili, “Ima, hane Ni sali mushimani. . . Makalelo a luna, kakuli, mu Irish, ne lu yendamanga nayan kwa Katolika.” Mi se Nili, “Keleke ibulezi kuli—kuli neba—neba li mubili wa sicaba, neba na ni ona kaufela, lika kaufela ze ne ba ezize neli zende. Ne ni sa lumeli cwalo, kakuli ma Lutheran ne bali, ‘Luna lu mubili wa sicaba, luna ni zona kaufela.’ Ba Baptist bali, ‘Luna lu mubili, luna ni ona kaufela.’ Kuna ni babañata hahulu, kuna ni likopano ze mianda ye naini ye shutana.” Se nili, “Ima, Hani koni kubeya sepo ku zeo, yeo ki ifi iliñwi ya zona ye lukile?”

216 Ha ni to fumana kuli, Ni bulela se ka buikokobezo mi likute, kono Ni lumela kuli hakuna ni yekana ya zona ye lukile. Yeo

ki niti. Ni kutela kwa Linzwi la Mulimu, Ni boni sene Li ezize kwa mulaho kwani. (Mi he, Mulimu, kaufela luna ha lu kuteleñi kwa mulaho kwani.) Mi ka bufokoli, mi kusina tuso ya kopano, kusina tuso ya likopano, kusina tuso ya mayemo a za bulapeli, kono mwa bunolo ni mata a Moya o Kenile ana wile la Pentekota, ka liñusa leliswana lana nani Pitrosi ka Lizazi la Pentekota, “Mubake, mutu ni mutu wa ku mina, mi mu kolobezwe ka Libizo la Jesu Kreste ka swalelo ya libi za mina.”

²¹⁷ Hamuna ku hapiwa sina sikwata sa baituti ba za bulapeli ba, ni kola ya hao ye putilwe ni digiri ya Bachelor of Art. Kono, muzwale, ukaba ni sesiñwi mwa lizoho la hao, mi haibile fela Moya wa Mulimu uka kena mwa Linzwi lani Uka koma ni ku kutisa lingu ze latehile ze icambaelela. Amen! Muipulele bufokoli bwa luna! Mu yumbe Tuto ya mina ya Bumulimu! Mu yumbe kwateni ze mu ziba, bumembala bwa mina! Mu itubule ili mina fapila Mulimu, kubulela ka moya, mi mu ipiza kuli “baba sa swaneli!” Konakuli Mulimu wakona kuitusisa mina. Fela usike wa bulela zeo fa mulomo, uli zuse mwa pilu ya hao.

²¹⁸ Jakobo, Davida, ne ba itubuzi ili bona. Neli ya fokolela mukwazo mwahala sikwata.

²¹⁹ Munahane ka za, mwendi, likiti ze lishumi kamba masole likiti ze mwanda fa lilundu. Kaufela bona baba lutilwe, kaufela bona ni ma Ph.D., mañi ni mañi wabona ni mikwale, ne bali masole. Mañi ni mañi wabona neli Kopolo wa *Kuli-ni-kuli*, Praiveti wa *Kuli-ni-kuli* (neba ba litulo za ma Praiveti), Geniro wa *Kuli-ni-kuli*, Liutenanti wa *Kuli-ni-kuli*. “Yomutuna wa Situlo sa bune Saule, Bishopu, eeni, Likute ku wena, Sha!” Mañi ni mañi wa bona inza yemi fani, baana baba lutilwe.

²²⁰ Mi sila ali kuyema fa lilundu, ali, “Mina sikwata sa mapyeha.” Oh!

²²¹ Mi kafoo kwa mafulo kwa taha mwanana, wa maheta a weyukile, (O Mulimu!), mushimani ya na bonahala bufubelu, ni kafwililo kakanyinyani kwa mukokoto wa hae, ni nama ye sasizwe likoyowela za veine kuizeza bahulwani ba hae. Mi ngangalume yani ataha mi a to huwa fa ni fa. Ali, “Mu talusa ni ku bulelela kuli mina sikwata sa baituti baba lutilwe kwanu muka yema fa ni kutuhelela Mufilisita ya si ka kena mwa mupato yani inza nyefula Linzwi la Mulimu yapila?” Amen! Ali, “Kana wa mu saba nji?”

²²² Saule ali, “Haiba ubata ku ya, taha kwanu. Nika—Nika—Nika ku luma kwa sikolo cwale ka myaha ye mashumi amabeli, mi Ni ka kufa Ph.D. Ni ka ku bulelela se Ni ka eza, Ni ka kufa fela digiri yaka.”

²²³ Ki hali, “Amuise nto yeo.” Oh, mawi! “Hakuna se ni bata kueza ka yona.” Na bata kusepa ku Mulimu. Ki hali, “Na ziba sa na ni ezelize Mulimu ka se, mi Ni itukisize kusepa Mulimu fapila sika kaufela ni sona se.” Amen! Yeo kona kutwisiso ya Mukreste.

224 Nihaiwa Saule, ha i lo tubula lilwaniso za hae, na tubuzi lilwaniso za bulapeli bwa hae, a eza sina Davida mwa na ezelize. Kono cwale Saule hana tile kwa mafelelezo a nzila, ki hali, “Ni lwanile ndwa yende.” Sani neli sila sa mafelelezo sa ku koma. “Ni lwanile ndwa yende, Ni felize takazo yaka, Ni bulukile Tumelo. Kuzwa cwale kuya ni bulukwezi mushukwe, woo Mulena, Muatuli ya lukile, uka ni fa ka lizazi lani.” Ali, “Ha isi na fela, kono kaufela baba lata ku bonahala kwa Hae.”

225 Lifu la kale lali, “Kono Ni ka ku fumana mwa mizuzu yelikani.” Mi libita la li, “Ni ka ku bupa bupa kwani.”

226 Ki hali, “O lifu, bukai buhazo bwa hao? Libita, ikai tulo ya hao? Ni ziba kuli Ni lobezi mwa musima wa Maroma woo, ni tamilwe mwa litamo, mazoho ni aka ni mazoho kaufela, mi Ni—Ni nani litupa ze seti-naini mwa mukokoto waka. Ni yemi fa ni mioko inge iyengayenga mwa meto kufitela Ni palelwa kubona. Ha ni sa bona ka meto aka a nama, kono Ni bona mushukwe wa kuluka o ni libelezi kwani. Lingongo zaka li katezi. Ni wile kwa sinkwa se ne ba ni yumbela kwani, mi lipeba li ni zamaile, ni maui ni lika zeñwi, kufitela Ni fokola.” Kono na yemi fapila lifu ni kubulela kuli, “Bukai buhazo bwa hao? Libita, ikai tulo ya hao?” ni mawenge inza nyanganya mwa mazoho a hae. Haleluya! (Zeo kona ze lutokwa.) “Libita, ikai tulo ya hao?”

Libita lali, “Ni ka ku bolisa, Paulusi.”

227 Ki hali, “Kono tumbo ibe ku Mulimu, Ni na ni kale tulo ka Mulena luna Jesu Kreste.”

228 Ha na fokola, yena—yena wa bulapeli, yena . . . sizo sa hae kaufela ne si sinyehile ku yena. Mapampili a hae kaufela a bulumiwa na amuhilwe ona. Na si wa ba Assemblies ni hanyinyani, kamba ba . . . ufi wa bona kaufela. Mwabona, na si wa siemba sifi kaufela sa bona. Na bulezi hahulu ka ku ba lwanisa kufitela mabishopu bani . . . bali, “Mu talusa kuli muna ya sebelize lilimo ze mashumi amabeli mwa tolongo ya Siroma kwani uka lu bulelela kuli lusike lwa lumeleza basali baluna ku kutaza? Huh! Usike wa lu bulelela zeo,” ali, “lwa ziba hande. Ki mañi mucaha yani kwani, nihakuli cwalo, uka lu bulelela kueza se, *sani* kamba *sesiñwi*?” Ali, “Lwa ziba se lueza.”

229 “Eehe,” Paulusi naize, “kuna ni baana baba ka taha mwahala mina, ba ka kalisa kopano cwanofu nyana fa, nanuha mi uka zwa mwa Tumelo ye cwalo, kusina kuba ni Moya wa Mulimu.” Ali, “Ba zwile kale mwahala luna kakuli ne ba si ba luna.”

230 Mi, sikamañi, ne si ezahalile naa? Ne si tile mwa keleke ya Katolika; kuzwa ku ba Katolika ku ba Lutheran; ni kutaha cwalo kwa mafelelezo, ba Assemblies of God, taba yeswana, kueza lika ze swana.

Nako ye kaufela, kinto yeswana!

²³¹ Kono, oh, ku muuna kamba musali ya fokola hahulu, ya ziba bufokoli bwa hao, ki ya ka lumeleza Mulimu ku itusisa wena! Ni zwelapili fela kubulela, Ni sepa kuli Ni bulelanga hahulu nako yetelele.

²³² Cwale, neli sikamañi sani? Cwale, na li . . . Davida neli yena ya si ka ituta hahulu mwahala sicaba. Nasina sikolo sa kulwana ni sona, nekusina sa na ziba ka zona. Kacwalo na si na sikolo sa ndwa ifi kaufela ye ne tomezwi yena, kono na lemuhile kuli ne ku na ni Mulimu. Mi anga nto yefokola; nebana ni malumo, lilwaniso, buta, ni lika zeñwi kaufela, mi Davida nana ni kafwililo nyana ka licwe ku lona. Kono, mwabona, na ziba za na kona kusepa. Na ipulezi ka bufokoli bwa hae, kono tumelo ya hae ku Mulimu.

²³³ Ki hali, “Ha ni lati kuba ni tebe ya ku nata sika fateni. Hani lati ku ya kwani, ni kubulela kuli, ‘Cwale, kana mina mizwale mu to swalisana ni na? Ni wa ba Assemblies, Ni wa ba Presbyterian, Ni wa Methodist, Ni wa Baptist, kikuli mina mizwale mu ka swalisana nina nji?’ Ha ni lati kuziba ni zekana za lika zeo. ‘Fa, Ni ka ku bonisa mwa pokoto yaka, Nina ni digiri yaka. Kona ni sa zo amuhela fela tuto yaka ya sikwala Bachelor of Art. Ni zwa kwa University ya *Kuli-ni-kuli*, Ne—Ne ni lutilwe hande kwani. Ni nani sa kuli. Oh, Na kona kubulela! Ni wa *se, sani*, kamba *sesiñwi*.” Na sa lati lika zani kaufela!

²³⁴ Kaufela za na bata, mi ali, “Ni beile sepo yaka ku Mulimu mi ki Na yo naya.” Kona cwalo. Mi ngangalume yani awela fafasi. Yeo ki niti.

²³⁵ Sani kona se lutokwa kacenu, muzwale. Lu tokwa, kacenu, baana sina Davida, isiñi kutwisiso ya sikolo sa university.

²³⁶ Neli Mikaya yomunyinyani, Mikaya yomunyinyani, mwana Imila, mubotana, ya hanilwe, ya lelekezwi kwande a likopano kaufela bakeñisa mayemo a hae a niti a Mulimu. Kono kwa taha muuna wa Mulimu nako yeñwi, kwani, wa libizo la Jehoshafati, mi abulela ali mwahali mwani ali, “Ni bata kuziba Linzwi la niti la Mulimu.”

²³⁷ Saule ali, “Nina ni baba mianda yemine babande ku bokile wa ziba.” Ali, “Kaufela bona bana ni madigiri abona, ba lutilwe hande mwa sikolo se.” Ali, “Kiñi, ki bakutazi babande ku bo kile wa utwa fateni.” Ali, “Ni ka ba lamulela mi lu ka ku buzeza ku Mulena.”

²³⁸ Kono he a zwela kwande mi atalima kafa ni kafa, Jehoshafati ali, “Eehe, Ni utwa yo abulela *cwana*, mi Ni utwa kuli yo abulela, kono,” ali, “kana una ni yomuñwi hape? Kana hauna yomuñwi nji?”

²³⁹ Mulimu na ka isa liñusa kwa pilu ya niti ye. Nekuna ni fela alimuñwi wabona ya na yemi fani, kono Mulimu una ni muuna ya mulikani. Amen. Haiba ku na ni pilu iliñwi fela ya niti, kokuñwi Mulimu una ni muuna ya mu swanela. Jehoshafati nali muuna

wa niti, mulena ya saba Mulimu, mi nana ni ngana luli ya kuziba kuli mañusa a bona neli a maswe. Na ziba kuli ne li shutana ni Linzwi, amen (Oh, Muzwale Neville!), Jehoshafati na ziba cwalo.

²⁴⁰ Ki hali, “Kihande, Ni—Ni ile mwa lipiho kaufela, ngambolo ya mwa sibaka sa lituto za bulapeli ye, Nina ni mañi ni mañi wabona kwande kwanu.” Ali, “Kihande, talima kwanu, yo una ni. . . kihande, talima fa madigiri anani. Talima yo fa,” ali, “talima—talima ma digiri a nani. Talima Zedekia fa, ki yena toho ya bona kaufela. Kiñi, ki bishopu, yena u fahalimwa luna kaufela. Kaniti u ka nga linzwi la hae!”

Jehoshafati ali, “Eehe,” ali, “Ni—Ni—Ni. . .”

²⁴¹ “Kihande, talima, kaufela baba siyezi ba bona ba lumelelana ni yena. Kaufela bona ki sikwata silisiñwi sesituna! Mi haukoni kubulela kuli ha ki Maheberu. Haukoni kubulela kuli ha ki baplofita, ki ye fa digiri ye paka kuli ba cwalo.”

²⁴² Jehoshafati ali, “Eehe, Na—Na—Na ziba, Akabe.” Ali, “Zeo—zeo li lukile, kono. . .”

²⁴³ Ali, “Ki sikamañi so. . . U ka ni kupa cwani ni yomuñwi hape? Ki sani sikolo saka kakutala! Kuna ni kopano kaufela hamoho.”

²⁴⁴ “Kono kana hauna neba alimuñwi ya si wa sikwata se? Kikuli hakuna neba alimuñwi, kokuñwi?”

²⁴⁵ “Kihande, ukona kuba sikamañi? Ukona kuba sitimbi se si si kaituta! Kihande, Ki sikamañi so batela mutu ya cwalo?”

²⁴⁶ “Kono—kono Ni ku buza fela, kikuli hauna neba alimuñwi fela?”

²⁴⁷ “Oh,” ki hali, “ehe, uteni ya cwalo.” (Uteni, oh, ni itumela ku Mulimu ka zeo!) “Kuna ni ya cwalo, kono,” ali, “Ni mu toile. Mi kaufela bona ba mu toile, hape.” Ali, “Lu mulelekile, ni bona ba mu lelekile mwa kopano yani, ifi ni ifi ya zona.” Ali, “Na tile kwanu ku to ba ni mukopano, se lu lelekisa mwa tolopo. Eeni, sha. Haluna sa kuezwa ni yena. Kihande,” ali, “ki ya fokola, mi u zwelela kwa lubasi lo lu shebile. Sikuwa sa hae si maswe.” (Uh-huh, sina Moody, mwa ziba.) “Eehe, sikuwa sa hae si lyangani.” Mi ali, “Luli, ku munituti wa za bulapeli, ki yena ya zielehile hahulu ku be Ni kile na utwa fateni. Nali kuba ni utwe sika kaufela se si swana ni yena. Oh, yena u sinyanga fela sizo sa bona. Kiñi, Tuto yabona ya Baapositola ishanda ukile ka yena. Na li kuba ni utwe fateni nto yecwalo! Oh, yena u li lyanganisanga fela, mi ba mu toile, Ni mutoile nina, mutu kaufela u mu toile.”

²⁴⁸ “Oh,” Jehoshafati ali, “mulena asike abulela cwalo, kono Ni tabela ku mu utwa.” Na ziba sa na ka bulela Elisha! Na ziba.

²⁴⁹ Mulimu a fitelela bakutazi kaufela, baba tiile, bakutazi ba ngana ya butu, ni kubeya Liñusa la Hae ku mushimani yomunyinyani yana bulela kuli hakuna sa na ziba. Kono ki sikamañi sa na ezize?

250 Ba mu fa tatubo, mi bali, “Cwale, ubulela nto yeswana yene ba ezize.”

Ki hali, “Ni ka bulela sa ka beya Mulimu mwa mulomo wa ka, kipeto.”

251 Mi ali, “Haiba ubata kuba ya tiile cwale, u hupule fela kuli una ni. . .uzwile—uzwile mwa mulao fa, mushimani tuwe. Muhupule, u lelekilwe kuzwa mwa kopano yani. Bakona ku talima habeli kopano ya hao haiba u ka lumelelana ni bona ka nako ya ñalelwa ye cwale ka ye. Kaufela lu libelezi kuba ni mukopano o mutuna,” ali, “haiba u ka lumelana fela nina.”

252 Ali, “Hakuna se ni ka bulela konji seo Mulimu abulezi!” Kukeshebisa, kikuli mu ka kulubela muuna wa Mulimu ku keshebisa fa Linzwi la Mulimu? Batili, sha, musike mwa itinga ku yena.

253 Ali, “Kono wa fokola. U zwile mwa lubasi lwa bu botana. Kiñi, wa ziba cwalo, bakona kuba. . .”

“Hanina taba ka se ba eza.”

254 “Kihande, ba ka ku isa kwa naha ye ni naha ye mwa fulai. Ba ka eza sika kaufela, wabona, haiba uka—haiba fela uka. . .”

255 “Batili, batili. Ni ka bulela fela seo Mulimu aka beya mwa mulomo waka.” Mulimu a fitelela sikwata sani kaufela, (eni, sha, mayemo a hae a niti aeza cwalo) a fitelela baba mianda yeminde ni kufa zeli SA BULELA MULENA KISONA!

256 Mi kana ne ba Li lumezi? Batili, sha! Se bali, “Sani hakikuli SA BULELA MULENA KISONA, mukopano wa luna ha u luti lika ze cwalo. Kihande, ki yo fa bishopu wa luna, u bulezi linzwi, na ñozi sizo. Kaufela lutile hamoho, lu ezize likolo za luna. Mulimu una ni luna! Ki nzila ifi ya naile Mulimu kayona ha Itile ku wena?”

Ki hali, “Uka bona, nako yeñwi.” Uh-huh, yeo ki niti.

257 Nali sikamañi? Na fokozi, kono nali yomotuna mwahala bona. Kiñi? Kakuli nana ni Linzwi la Mulena. Oh, muzwale, ki shutano mañi ye liteni ka za. . .sika sifi kaufela haibile fela muna ni zeli SA BULELA MULENA KISONA?

258 “Kuli, Muzwale Branham, haiba u ka keshebisa fela fa Libizo la Jesu mwa kolobezo, kihande, lukaba ni mukopano o mutuna mwa Chicago kamba libaka ze cwalo seo.” Huh! Mu nahana kuli na ka eza cwalo? Hanina taba kamba mutaha hamoho, se mueza, muzwale, pila ni ze li SA BULELA MULENA KISONA.

259 Ni bata kuli babañwi ba bona ba ni bulelele kuli Ao ki mafosisa. Ba ni bonise mwa Linzwi la Mulimu fo li fosahalezi Zeo. Ehe. Habana ku fita ku zeo. Batili, sha. Kono ki kuli SA BULELA MULENA KISONA! Mupile ni Lona, haiba yeñwi ni yeñwi ya zona ya ku lelekisa. Hanina taba ka mo u ka fokolela,

“Fo kipeto Ni ba ya tiile.” Ha ba ni lelekela fande, Mulimu uka ni kenya mwahali. Uh-huh, ehe. Mulimu. . . Ba ka ku lelekela fande, Mulimu uka ku kenya mwahali.

²⁶⁰ Muhupule, ki bani baba kendilwe bao Mulimu anopanga kamita, babasina mayemo. Mi U ba eza *batu ba libubo* ku Yena. Hakulata ha ba zibi cwalo mwa bupilo boo, kono ba ka ziba mwa bupilo bo butaha; mwabona, bwani ki bona.

²⁶¹ Ni ku mufa yeli SA BULELA MULENA KISONA, bakeñisa ñi? Na pilile ni Linzwi. Nana ni Liñusa le li lukile. Mulimu na mu file pono. Babañwi ba bona ne ba sina pono. Mwabona? Nana ni pono. Kiñi? Kakuli na pilile ni Linzwi. Fani kona fo luboni lisupo ni ze komokisa. Kakuli. . . Babañwi basweli kueza sina Lona, kono yena na pilile ni Linzwi. Cwale halu akufeni.

²⁶² Elia, kona fani keleke ya hae hane i muhanile ni ku mu siya kwa lifasi la kacenu. Ni nahana kuli Elia ha na ba fitisize fa mashala. Kikuli ha mu nahani cwalo? Mwa ziba seo Elia na li sona. Na akaleza, mwa bulumiwa bwa hae kwa makalelo, a yema fani ni kubulela kuli, “Kiñi, mina basali mulika kuba sina Kalibe wa Pili,” likuwani zani, mwa ziba, “Kalibe Jezabele! Mina basali ba kacenu, ka kuba sina Kalibe wa Pili wa naha, ku apala sina yena, kueza sina yena. Mina bakutazi!” Oh, mawi, mwa na swabiselize! Mi se ba ina fela inge ba wela kwa matuko kufitela ne kusina mutu ni yomukana.

²⁶³ Nana ni kufita kwa mafelelezo a musipili wa hae. Hakuna ya na utwana ni yena hape. Hakuna neba yomukana wa likeleke ze ya na ka swalisana ni yena. Keleke ya hae kaufela ne i mu siile, ku kutela kwa lifasi (kuswana fela sina mo kuinezi cwale), yeo ki niti, ku kutela kwa lifasi. Ki babalikani fela bene ba sa swalelezi, alimuñwi fa ni yomuñwi fani, inge bazwelela kwabuse bwa naha kafoo ko ne mu ka zamaya ku yo mubona, ni zeñwi cwalo. Nali mwa buino bo bumaswe hahulu, na tile kwa mafelelezo a zibo ya hae.

²⁶⁴ Ki hali, “Mulena, Ni yemi fa Linzwi la Hao, Ni bulezi Niti. Mi kaufela bona baile, hakuna mutu ya siyezi fa. Hanina, nihaiba wa kuli ni mukutaze.” Amen. “Eeni, Ni yemi fa Linzwi la Hao, Mulena, mi cwale fo Ni inzi cwale, hakuna neba alimuñwi ya ka ni amuhela. Ha ni ya mwa tolopo, ba li, ‘Ki yo muika wa kale yataha. Eehe, eehe, ki yo fa muika wa kale ya taha mwa tolopo, cwale uka kala kubulela—kubulela za bupilo bwa kacenu bwa kwanu bo ni lika kaufela.’”

²⁶⁵ “Musike mwa mu amuhela! Mulisana, usike wa swalisana ni mucaha yani! Batili, sha!”

²⁶⁶ Mulisana, “Cwale mufitelezi wa tumelo yani u mwa tolopo hape. Mwabona, Elia yani kwande kwani, muuna muhulu wa sitenda. U sike wa izeza ngana ku muuna muhulu yoo. Mutalime, ha tini mane inge mutu wa bulapeli ni mikanjo ya hae ya buprista inge yaka (kuwani ya hae, mwa ziba; ni kuyema kwapata, ni kola

mwa matuko, mwa ziba).” Ali, “Ha ezi. . .” Ali, “Ki—ki. . . ki. . . ki mufuta usili wa. . . Ki—ki mutangana ya ipitezi.”

²⁶⁷ Mi Ni nahana kuli babañwi ba micaha babatuna ne baize, “Mwa ziba kana? Ki—ki ya takana. Uh-huh, eeni, ki—ki ya lyangani, inza pila kwani mwa lihalaupa, inza pila mwa mushitu buñata bwa nako ya hae, inza taha ni litalo la ngu inza itatelize mwa teka. Oh, mawi! Mi ni ku ba nyaza basali bani! Nali kuba nibone sika se si cwalo. Musike mwa. . . musike—musike—musike mwaba ni sa kueza ni yena, ni hanyinyani! Musike mwa ikopanya ni yena!”

²⁶⁸ Kihande, katengo ka bakutazi ne ka kopani hamoho, mwa ziba, bali, “Musike—musike mwa ba ni sika sa kueza. . . Mu mu leleke, mane mafelelezo. . . mane mafelelezo u ka fita fa kulyangana. Mu mutuhele—mu mutuhele a sinye ngana ya hae. Ku felile, mu musiye anosi.”

²⁶⁹ Kono Elia wa kale, inza zamaya hande ni Mulimu, (Mawi, mawi.) aina hande ni Linzwi. Neba na ni mukopano nyana kwani, mi na talima mwahala sicaba, ali, “Kaufela mina bo Jezabele!”

²⁷⁰ “Oh, ona kubemba kwateni! Hanina ku yo teezeza muuna yani hape! Batili, sha, Hanina kuba ni yomukana!”

²⁷¹ Zani ne li si ka mu paleliswa, na pilile fela ona kwani ka kuswana. Ha latehelwa ki keleke ya hae, ha latehelwa ki za hae. . . likopano kaufela za mu fetuhela, neli ka nako yani (ha na fokola hahulu) ki hali, “Ki na fela ni nosi ya siyezi, mi ba bata ku ni bulaya.” Ali, “Ne ba ka ni kunupa hane ba ka ni fumana.” Uh-huh. Mwabona? “Kono Ni. . . Ba bata bupilo bwaka. Mi ki Na fela ni nosi ya siyezi, Mulena, ki sikamañi se Ni kona kueza?”

²⁷² Neli ka nako yani, hana bile ya fokola (ibo na yemi ka niti, inza bulela bufokoli bwa hae ni lika zeñwi), kuli Mulimu abulela kuli, “Taha kwanu upahame lilundu, Ni ka kufa liñusa lelinca. Ni ka ku lumela liñusa le linca cwale. Ni ku bulelezi kale, ‘Zamaya u nyaze lika ze,’ cwale Ni ka ku luma kutele kwateni ulwezi sika sa ku Li paka kuli ki la niti.” Ali, “U ezize musebezi omunde, Elia. U ba bulelezi ka za Kalibe Wapili, ni zani kaufela, ni mo ba ezelize. U nyazize Akabe ni mikwa ya hae yeminca kaufela ya likeleke, mi lu bulelezi bakutazi bani ko ba swanela kufumanaha. U bile mutala. U yemi fani kusina ya ku tusa, kopano ifi kaufela, sika kaufela kwa mulaho wa hao, kono upile ni Linzwi la Ka. Cwale Ni ka kufa sika. Zwela kwani mi ubulelele baipe, ‘SA BULELA MULENA KISONA! Hakuna kuba neba puka ye ka wa kuzwa kwa Lihalimu kufitela Ni i biza.’” Mawi! Mawi! A muisa fahalimwa lilundu ku mubonsa nto yeñwi!

²⁷³ Oh, Na mubona kakusasana wani, ha taha, inza zamaya mwa nzila ya Musamaria yani. Na si yomutuna hande ha talimwa, luli, sitenda sani ne si sweli kubenyiswa ki lizazi, milili ya limbi

ni mahaha kwa sifateho sa hae, kaemba ka litalo la ngu. Biblele iize nali wa “mahaha,” milili mubili kaufela, Ni nahana kuli na bonahala busafa ha ne mu ka mutalima; kota nyana yani mwa lizoho la hae, ni meto amanyinyani ani inza talima mwahalimu, ha na zamaya mwa mukwakwa. Mi mina . . . yena . . . Ni sepa na ezize sina wa lilimo ze lishumi ka ze silezi za kupepwa hanali bukaufi ni lilimo ze eite. Ki yo na taha, inza zamaya mwa nzila, kuliba kwa Samaria. Muzwale, na sa tiisize kale bufokoli bwa hae, “Mata aka a likani. Usike wa bilaela ka likopano, Elia. Usike wa bilaela ka zona, mata a Ka kona fela zo tokwa.”

274 Na hupula hane ni yemi bukaufi ni tempele yetuna nako yeñwi, mi se Nili, “Mulena, Ha ni lati kuli ba tahe kwa—kwa ofisi yaka.”

Ki hali, “Kina Kabelo ya hao.” Mwabona? “Kina Kabelo ya hao.”

275 “Mwa—mwa bufokoli ha Ni—Ni. . . Mata aka a tiile. Tato yaka ye petehile yakona ku ezahala (Paulusi, kamba Elia, yo kaufela uli yena) ha u zwa mwa nzila.” Mwabona? “Mwa bufokoli bwa hao, konakuli Ni ezizwe ya tiile. Ki na Yoo! Ki na Ya Tiile ya taha ku to tala mwa sika.”

276 Na mu bona inza zamaya mwa mukwakwa wa Musamaria yani, meto amanyinyani ani inza bonahala *cwalo*, mushimani, ya na ni lumenyo kwa sifateho sa hae. Muzwale, ki ha ya fapila Akabe. Na si ka ba ni sikukuma, na si ka ba ni silyokota. Batili, batili! Mwa sifuba se si otile sani sa masapo sapo fela nekuna ni pilu ye na ni Moya o Kenile inge upila mwani. Eeni, luli! Ataha inza zamaya mwa nzila yani, ataha fapila Akabe, mi ali, “Hakuna nahaiba puka ye ka wa kufitela Ni ibiza.”

277 Ahata musindo katata mi, afetuha, ki yo akutela mwa lihalaupa. Ali, “Wani neli musebezi omunde, Elia. Taha kwanu, Ni se ni laezi mañwalala kaufela kuli aku fepe cwale, mi ni . . . mi ina kwanu fa nako nyana.” Oh, mawi!

278 Ha na fokozla, kona aba ya tiile. Eeni, sha. A kwala mahalimu kuli isike ya nela. Fani kona fa na ti lo tiyela, hana latehezwi ki keleke ya hae, alatehelwa ki lika kaufela za na nani, lika zeñwi kaufela. Kono aina ni Linzwi la Mulimu, mi aba ni mata a ku kwala mahalimu.

279 Fani Jakobo hana felezwi ki mata a hae kaufela, kona Mulimu fa na tilo mufela mata a kuba mwana mulena. Mwabona?

280 Fani Paulusi hana latehezwi ki tuto ya hae ni tuto ya hae yaza bulapeli, Mulimu a muezza mulumiwa kwa Macaba.

281 Fani Mushe hana latehezwi ki mata a hae kaufela ni kuba ya fokola, Mulimu a mu eza kuba ya tiile ni ku mu luma kwa Lihalaupa mwa mata a Moya, fa myaha ye eite ya kupepwa; mahaha inza lepelela fafasi, musala hae inza pahami fa mule

ni mwana hae inza inzi fa noka, ni kota mwa lizoho la hae, aya ku yo koma Egepita. Eehe. Mwabona? Kusina mpi mwa mulaho wa hae, inge mwa na batela kuyela, kono neli mwa mata a Moya. Amen!

Ha u fokola kona fo u tiyezi.

²⁸² Inza zamaya fela mwa mukwakwa mwani, na si ka ba ni sikukuma, na si ka icuncula, na si ka eza sika kaufela, ataha fapila Akabe, mi ali, “Nina ni Linzwi la Mulena.”

Ki hali, “Ki wena ya kataza Isilaele.”

²⁸³ Ki hali, “Ki wena ya kataza Isilaele.” Eeni, sha. Oh, muzwale! Eeni, sha. “Akutise baprisita ba ngana ya butu bo nani kwanu, mi lubone ya li Mulimu.” Ki fo cwale. “Pahama fa Lilundu la Karmele, Mulimu ya na alabile kwa Pentekota uka alaba hape. Halu boneñi haiba Mulimu usali Mulimu ya swana, haiba Jesu ki ya swana maabani, kacenu, ni kuyakuile.” A tuluka fa lilundu, nana ni Liñusa. Eeni. Ne li ya fokola hahulu sapili, mane, na latehezwi ki lika kaufela a si ka eza kale. Nana ni ku fokola a si ka ba kale ya tiile.

²⁸⁴ Ki bunolo bwa Evangeli bo bu tantalikisa basali. Ba lika ku I eza kuba nto yetuna ya minahano fela kamba cwalo, kanti yona ki nto yebunolo. Kono Mulimu unganga sibyana se si ishuya ni se si fokola ni se si bunolo, kuli libeleke misebezi ya Hae ka sona. Sani fela ki sibelekiso mwa lizoho la Mulimu.

²⁸⁵ Joani Mukolobezi, Liñusa la hae, mutwaleti wa Kreste, neli le libunolo hahulu ha mo Ne li utwahalela fahalilmwa litho za batu. Muteeleze fa muzuzu fela. (Ni sepa kuli ha Ni mi buluki nako yetelele, mina baba yemi kwa matuko a limota, mwabona.) Mutalime! Joani, fani. . . Bapolofita kaufela ne ba file bupaki ka kutaha kwa Mesia. Alimuñwi wa bona na bulezi kuli “Malundu aka takisa inge lingunyana.” Babañwi bali, “Matali akambele mazoho.” Alimuñwi naize, “Libaka za misindi kaufela li ka ulululwa, mi libaka zepahami li ka patamiswa.” Oh, mawi! Ha ki lizazi ni leo!

²⁸⁶ Kana mu nahanile fa Sikolo sa Bapolofita ni munahano wa butu ka zona? Oh, mawi, neba na ni lika kaufela ka swanelo! Kono hane ku ezahalile, kuzwa mwa lihalaupa kwa taha mukutazi ya supezi yana sina nihaiba lizazi li liliñwi la ku nunka mwa sikolo mwa bupilo bwa hae, hakulata neba sikuwa sa hae neli mbanganyi. Ndatahe neli muprisita, kono Mulimu amunga kuzwa fani. (Ne luna ni zona mwa tuto ya Sunda yefelile.) Na si ka mutuhelela kuzwakana ni likopano zani, ni ku muisa kwande mwa lihalaupa ku yo mu luta yena Kasibili. Wani kona mufuta—wani kona mufuta o ka ina ni Linzwi la Mulimu.

²⁸⁷ A zwa mwa lihalaupa, ali wa myaha ye mashumi amalalu akupepwa; Ni nahana mulelo omunsu o no lepelela kwa sifateho sa hae, fwakaa; siemba tuna sa litalo la ngu inza itatelizo lona; ayema mwa sileze, se si mu cikiseza mwa mañwele; ali, “Kina

ya na bulezwi ki mupolofita Isaya.” Mi zeñwi za likopano za zwa; mi ali, “Musike mwa nahana ni ku ipulelisa mwa lipilu kuli, ‘Luna ni *se ni sani*,’ Mulimu wakona kuzusa bana ba Abrahamama kwa macwe aa!” Oh, mawi! Kiñi? Nana ni zeli SA BULELA MULENA KISONA! Nana ni Liñusa. Mulimu na bulezi kale kuli na ka taha. Mi libaka. . . Ne li tile mwa bunolo bo bu cwalo, Ne li ba fitile fahalimwa litho.

²⁸⁸ Mi Jesu ha taha, Na ize, “Ki sikamañi se mu ilo bona, mubuleli wa ngana ya butu yakona kuyauluka kuzwa ku ba Methodist kutaha ku ba Baptist, mi ni kuzwa ku ba Baptist kutaha ku ba Presbyterian, kuzwa ku wa Presbyterian kutaha ku wa Pentekota, ni wa Pentekota ku sesiñwi fela? Kana muilo bona lutaka lo lu zukuzwa ki moya kaufela? Isiñi Joani!” Ali, “Kana mu ilo bona muuna ya apezi za line yende?” Ki hali, “Ba ba cwalo ba fumaneha mwa mileneñi ya malena, mufuta wa mukutazi ya cwalo yoo.” Ki hali, “Ki sikamañi se mu ilo bona, mupolofita nji?” Ki hali, “Mane ufita mupolofita!”

²⁸⁹ Joani na fitelela mupolofita. Mi, mutalime, natile sina ya ikokobelize hahulu mwahala bona kaufela. Kono nali ya fitelela mupolofita. Mwa ziba seo Joani nali sona? Nali numwana wa bulikani. Luli, nali cwalo. Na fitelezi mupolofita. *Mupolofita* ki muboni ya bona litaba. Joani na li cwalo, ni yena, kono na fitelela sani. Nali numwana wa bulikani. Ki hali, “Eehe, yo ki yena yana bulezwi kuli, ‘Ni ka luma numwana wa Ka fapila Hao.’” Yani ki yena luli, nali numwana wa bulikani. Luli. Ka nzila ya hae ye bunolo ya kutaha kayona, ya fougaza fela za butu.

²⁹⁰ Cwale lu lukela kukwala cwanoñu fa, mwendi ka mizuzu yelikani fela, ni na ni lika zelikani fa ze Ni bata kubulela, Mañolo nyana ni pampili yeñwi.

²⁹¹ Kucwani he ka mbelwa ni bupi bobulikani? Na sa fitile fa bufokoli bwa hae, mane na sa ipulaya ka tala. Na si na sico. Na sa koni kuya kusili ku yo kupa lico, hakuna bene banani za kuca. Kono natile fa sibaka, mulumeli yomutuna, muuna hae nali muuna yomutuna wa Mulimu. Mi nali mbelwa, ni mwana. Mi nana ni fela bupi bobutala mwa lizoho, kono ne bu likani, kona fela za na tokwa; bwa beiwa mwa mazoho a Mulimu, ki ha pila ku bona ka lilimo zetalu ni likweli zesilezi, fa sico fela sesi likani. Na bile ya fokola.

²⁹² Na zwezi kwande kakusasana wani ku yo nopa tukota totubeli, ni ku tu pumaka ni ku tubeya hamoho. Mwabona, tukota totubeli ki Sifapahano. Mwabona? Kuloba. . . Musali ali, “Ni ka nopa twandilala totubeli.” Na si ka bulela kuli, “Ni nga kutaza lizoho laka,” cwale, ki twandilala fela totubeli. Kona cwalo. Mwabona sisupo kana?

²⁹³ Mi, eehe, nzila ya kale. . . Mo ba tukisezanga mulilo cwale, ki kubeya bishingwa ku bi silanisa, kutumbula mulilo fahali. Ha Ni yanga kwa mafulo, Ni. . . mwa malundu ka nako ya busihu,

kuli ni si ke na kangela, Ni lobalazanga musumo sina *cwana* ni musumo hape *cwana*, mi mwa nako ya busihu ki kuswalelela fela ku koteza, mi li ya lituka ona cwalo halinze litaha fahalimu cwalo, mwabona, kutaha fa makopanelo a zona.

²⁹⁴ “Nina ni tukota totubeli. Ni ka apeha, ni apehe sico se, ona kabupi nyana kaka felela mwa lizoho ka, ni kuikezeza liñende la ka ni mwanake. Lu ce mi lu kihona lucwe.” Yena luli nali mwa bufokoli, nji cwani? Musali ali. . . Mi kiha sikuluha ni kukala kukuta mwa mulaho. Oh, kakusasana o cisa wani! Oh, ne se li nako yetelele hahulu kusina sika kaufela. Lika kaufela. . . Nekusina mezi, mi batu ba liloka, batu banze ba ishwela fela, kai ni kai; kusina kwa ku yo kupa, kusina sa kueza. Nali kwa mafelelezo a nzila. Nali mwa bufokoli bwa hae. Ki hali, “Ni ka apeha kuli na ni mwanake luce, mi lu mana kuca kihona lu ka shwa.” Kacwalo afetuha mi ki hali. . .

²⁹⁵ “Fa muzuzu fela!” A talima kwa mulaho. Mi sifateho sa milelu ni mahaha fwakaa inge sali kulembwaala fa munyako o kena mwa hae fani, ali, “Zamaya uyo ni lubela sinkwa nyana pili na, mi uni tiseze sona.” Oh! “Aku nitiseze mezi nyana mwa lizoho la hao, ni kaemba ka sinkwa, kakuli, SA BULELA MULENA KISONA!” Oh, mawi, yani ya to pepta lika. Oh, mawi! Ona kaemba nyana kana nani kani, mwabona, aka fa ku Mulimu. Zani ne li kwanile ku mufepa mwa nako kaufela ye ne siyezi. Ehe. Mwabona, fa na fokolela kona fa to bela ni mata.

²⁹⁶ Yani nana ni fela tubana yena ni oli ku yona. Mi na si na sika, bana ba hae bababeli babashimani ne ba ka lekiswa kuba batanga. Nasina sika sa kueza ni yona tubana ya oli yee. Ne si yeñata mane, nali kwa mafelelezo.

Elia ali ku yena, ali, “Ki sikamañi so nani mwa ndu ya hao?”

Ali, “Ki oli fela yenyinyani mwa tubana.”

Ali, “Zamaya ku bo yahile ni bona mabapa, u yo kupa libyana zeñata.”

²⁹⁷ Kifo, mutalime, kuitukiseza zona mane lisika ezahala kale. Hmm? Amu itukise! Davida na utwile muhuwo wani mwa macacani a murubeni. Elia na boni lilo le li likana fela ni lizoho, ali, “Ni utwa mulumo wa pula yeñata.” Haiba Mulimu ukona fela kuba ni sibyana sesiñwi sa mukungulu! Yeo ki niti.

Ki hali, “Taza ndu kaufela ya zona.” Amen!

²⁹⁸ Mwabona sa bata Mulimu? Mulimu una ni kuba ni libyana za mukungulu. Muteeleze! Lubile ni tuto yeñata hahulu, bukuba bobutuna hahulu bwa zabulapeli, kufitela ha lu yo fita kwa mafelelezo a mupaipi. Kuna ni fela nto iliñwi ye siyezi, fetuhela ku Mulimu ni Linzwi la Hae. Mi haiba ukona kueza cwalo, ube ni sibyana sesiñwi sa mukungulu. Zwisa ba Methodist kaufela mwateni, Bapentekota kaufela bazwe mwateni, ni Baptist kaufela bazwe kubona, mi tuhela fela libyana zeo, ni ku

libeya hande mwa ndu. Mi cwale unge kuzwa mwa Tubana ye u kale kusela, amen, kalisa fela kusela.

²⁹⁹ Nana ni zeñata za ku ipabalela ka zona ni bana ba hae, ni zeñwi kaufela, ni kulifa likoloti kaufela. Kiñi? Kiñi? Nana ni fela zenyinyani, ze beilwe ku Mulimu, ni kulatelela linzwi la mupolofita yoo, a taha inza iketile.

³⁰⁰ Mulimu, lu lumele mupolofita yaka nga Linzwi la Mulimu, ya si ke kunga nto *isili fela*, kono alwale fela libyana za mukungulu. Haiba Mulimu ukona fela kuba ni libyana za mukungulu, mi kipeto ange Linzwi la Mulimu ni ku Li sululela ku mutu.

³⁰¹ Isiñi babañwi ba bali, “Oh, Ne ni nyanganyize ha Ni U amuhela. Ne ni bulezi ka malimi ha Ni U amuhela. Ne ni binezi mwa Moya.” Mulibale, mwabona, mulibale zeo!

³⁰² Muine fela ona foo kufitela U taha, ku felile, kufitela sibyana sitala. Kona cwalo. Cwalo kona mo u ezeza. Eeni, sha, bunolo bwa Teñi! “Sibyana sa tala,” mo lukona ku inelela ku zeo!

³⁰³ Neli balutiwa, kaufela ne ba filikani zazi leliñwi, Jesu ali ku bona, ali, “Kuna ni batu baba likiti ze ketalizoho fa,” mi bali, “ba welela, ba shwa tala.” Oh, Na kona kuina fani ka hola yeñwi. “Likiti ze ketalizoho, bashwa tala,” kuna baba bilioni ka mwanda baba sweli kushwa tala!

Ali, “A ku ba kutise baikele.”

Ali, “Hakuna tuso ya kueza cwalo.” Ali, “Mu ba fepe.”

³⁰⁴ Oh, mawi! Na kona kunahanisisa hande ha ba kubukanya kaufela ze ne ba fumani, mi mwa ziba ha ne ba bile ni (lika kaufela) ba li kubukanya . . . Mu ni swalele ka mubulelelo wa kuli, “ku kubukanya.” Kono bana ni lika kaufela, se bali, “Cwale, fa, lu fitile mwa mafulo kaufela. Haluna masheleñi, kacwalo haluna kuba ni mukopano.” Mwa bona? “Kacwalo luna ni lika kaufela mo, kono nto inosi fela yelukona kufumana ki mahobe a faifi fela ni litapi nyana zepeli za kashimani cwana” inge Davida, kaka zwile mwa lihalaupa mo. “Kona fela ze lunani. Kona fela ze lukona kuba ni zona. Lu kwa mafelelezo a luna. Hakuna se lukona kueza hape, Joani.” Pitrosi ali, “Kona fela ze lukona kueza. Kona fela ze lukona kueza. Lu kwa mafelelezo a kunahana kwaluna. Kona fela nto inosi yeliteni ku zeluka biza lico ze lunani.”

³⁰⁵ Kihande, Na kona kunga fela Liñolo nyana, Likezo 2:38, mi zeo kona ze lutokwa fela, mu Li utwe fela. Ha mu lukeli kuituta liktuto za bulapeli, kaufela za *se, sani*, ni *sesiñwi*, munge fela ona Sani. Eehe, fela—fela munge Seo, kona fela ze mu tokwa, “Mubake, mañi ni mañi wa mina, mi mu kolobezwe ka Libizo la Jesu Krete kwa swalelo ya libi za mina, mi mu ka tala Oli.” Mwabona? Ki ku i kusufaza fela, mu itukiseze Iliñwi yani, kona

fela ze mutokwa. Ki kulotiseza fela mwateni liloteli, muka bona ha iya itala.

306 Mwa ziba, ne ku si na sika mwa tubana mwani kuli kuzwe neba liloteli. Mwendu na ngile munwana wa hae, sina *cwana*, ni ku lotisa mwa tubana ni tubana ona cwalo; atalima kwa mulaho afumana kuli itezi. Na lotiseza fela mwateni, mwabona, kona fela za tokwa fela, kakuli neli oli ye fuyozwi.

307 Musike mwa amuhela kutwisiso ya lituto za bulapeli. Munge Linzwi la Mulimu ni ku Li lotiseza mwateni, mubone mo li ka talela.

308 Ki hali, “Kihande, ki mufuta mañi wa liloteli le luna ni kuezwa? Mwendu lwakona kuzwisa sika mwa Lisamu.”

309 Munge se Ni mi bulelezi, “Mubake, mi mu kolobezwe ka Libizo la Jesu Krete kwa swalelo ya libi, mi mu ka tazwa ka lona Liloteli lani.” Kulotisa fela lani mwateni, mi uka tazwa ka lona Liloteli lani. Lani kona Liloteli leo Pitrosi na itusisize ka Lizazi la Pentekota. Leo kona Liloteli leo Paulusi na itusisize. Leo kona Liloteli leo balutiwa kaufela ne ba itusisize. Lika zeñwi kaufela li ka ekezwa fela kwateni, munge fela ona Liloteli lani ni kulatelela hande, mi ze siyezi zatani li ka ba fela hande.

310 Ba ya fokola! Ba mukungulu! Ube mukungulu, mi kuzwa fo kuya kwapili, ikana izwelapili kulota, mi Mulimu uka eza zesiyezi za kulota koo. U eza fela ona cwalo. U we ka mañwele ni kuamuhela zeo ka pilu ya hao kaufela. Kena mwa pilu ya hao ona fa mi ubulele kuli, “Mulimu, Na Li lumela, ka pilu yaka kaufela!” Mulimu uka tokomela ze siyezi za maloteli, i ka taliswa, “U kaba yate- . . . yatezi hande ka Moya o Kenile.”

311 Cwale nebana ni tunkwa to tu ketalizoho ni litapi zepeli. Kona kuli ne ba ka eza sikamañi? Kacwalo ba taha mi bali, “Se kona fela se lu fumani. Lu kwa mafelelezo a minahano ya luna. Ha kuna yomuñwi ya shimbile mufaho wa sinkwa, neba alimuñwi haayo. Mi mushimani yomunyinyani yo, mwendi na bonisa . . . kuli ki mushimani ya mushimani ya na lata kulofanga kwa sikolo, aya kwa sikolo kakusasana kacenu, wa toba mwa sikolo ni kuya ku yo shuta litapi kwanu. Mi lu mu fumani kwa lisa kwanu, utile ku to teezeza. Mi, kiyoo, u na ni zeketalizoho.” Ni itumela ku Mulimu ka mushimani yomunyinyani yani! Eeni, sha. Ali, “Luna . . . nto fela ye lunani mwa mukoloko wa bupilo wo ki ona liloteli nyana le fa.” Ali . . .

312 Jesu naize, “Ku likani. Amu lise kwanu.” Mwabona? “Amu li tise kwanu, halubone Ni li swale. Mu Ni fe ona liloteli nyana leo, Ni ka tokomela ze siyezi. Cwale, mina muzwelepili fela kutambeka ha Ni nze ni mi monkolola kwa bungululwa boo.”

313 Mi mañi ni mañi wa mina munge siemba sa Likezo 2:38 kakusasana cwana, mwa lipilu zamina, mi munge fela kuzwa fani ni kotalima Yena ha kala ku komauna Sinkwa sa Bupulo ku mina. Mu bake, mu kolobezwe ka Libizo la Jesu Krete kwa

swalelo ya libi za mina, mi kipeto mubone haiba Moya o Kenile ha u keni mwateni, muzwelepili ku wela ku *se* ni kuya ku *sani*, kuwela *fa* ni kuwela *fani*, ni kuwela *fani*, mi ku ka ba kutazwa ka Moya o Kenile! Kiniti!

³¹⁴ Ha mu lukeli kuya kwa mikopano ya bukutazi. Ha mu lukeli kuba baba butali. Taba fela yo lukela kueza ki kulemuha hakuna se u na so ziba. Mutuhele Mulimu a ku swale, Uka tokomela ze siyezi zateni.

³¹⁵ Ku lukile, mi Linzwi la li, “Amu litise kwanu.” Sani kona sa bata Mulimu kakusasana cwana, kuli mu Mu fe libunda la lipizana za mukungulu. Uka tokomela ze siyezi zateni. Eeni, sha.

³¹⁶ Bartimeasi wa sibofu na inzi fa munyako, inza pazauhile, mwa silami, oh, nako ya hae ye fokola, ha utwa Linzwi, lali, “A mu mutise kwanu.” Yeo ki niti, mi, fokuñwi, ki nako ya hao ye fokola.

³¹⁷ Nekuna ni Maria kwa libita, inza lobehile pilu, Mbututu wa hae, Musimani wa hae na bulailwe, lika kaufela, sepo kaufela ne ifelile. Mi aya ku yo Mu toza mulyani, mi mane nihaiba mubili wa Hae no si yo mwateni. Mi a utwa Linzwi lelili, “Kiñi so lila, musali tuwe?”

³¹⁸ Ki hali, “Ba ngile Mulena ka. Mi Na . . .” Mutu ya shebile yani, neli Mwana hae ya na shubulwa yani; ba Mu tubula liapalo ni ku Mu paheka fa Sifapahano fani, ku Mu takisa ni ku Mu nata fahalimu fani, kasamulaho Amano bulela kuli kuli ki Mesia, kasamulaho amano ziba kuli Moya o Kenile wa mu apesa ni kutisa Mwana yoo. Neli Mwana Mulimu. Na boni misebezi ya Hae, ni lika kaufela, mi abona fa nako ye fokola hahulu . . .

³¹⁹ Mi fani Jesu na yemi kulwanisa bumaswe, na yemi kulwanisa likopano zani, na yemi kulwanisa Bafarisi bani; ni kuba ya fokola ni ku ipa Iliyena kwa lifu, mi a shwa sina muezalibi fa Sifapahano, inza lwezi libi za luna. Ona Lisamu luli, bapolofita luli be ne ba lumela ku bona, ne ba talusize (mianda ya lilimo kwa mulaho) ona Manzwi luli a Na bulezi fa Kalvari, mi ba palelwa ku a bona. Butuna bwa za bulapeli- . . .

³²⁰ “Mulimu wa ka,” Davida abulela, “Mulimu wa ka, U ni tuhelezi ñi?” Lisamu 22, “Masapo aka kaufela, a ni talimezi, hakuna nihaiba leliñwi la ona le li lobilwe. Ba sisinya litho za bona ni kubulela kuli, ‘Na sepile ku babañwi. . . U—U pilisize babañwi, Yena Hakoni kuipilisa.’” Mi lika kaufela zene ba bulezi bapolofita, neli ona kwani! Mi Jesu, inza shwa, inza sweli Linzwi lani, aipa Iliyena. Mulimu, Emanuele, aba ya fokola kuli Aipa Iliyena kwa lifu, ni kwa libita, ni moyo wa Hae waya kwa lihele. Bufokoli! Kono iliñwi ya kuipa ko ku felelezi kwani. . . yataha ni kuzuha la Paseka kakusasana, kufeleleza musipili wa Yoona kukalela kwatasi luli.

³²¹ Nali yena ya Pahami hahulu, mi aba yakwatasi hahulu. Na tile kwa sicaba se si mwatasi hahulu, aya kwa muleneñi o

mwatasi hahulu. Mi muuna yomunyinyani hahulu mwa tolopo nana ni kutalima fafasi ku Yena. Aya kuzwa fani kuya kwa lifu, mi kuzwa kwa lifu kuya kwa libita, ni kuzwa kwa libita kuya kwa lihele; kwa sibaka sa mwatasi hahulu kwa naile, kwa lihele la mwatasi hahuulu lene li ka hupulwa, Aya ku lona.

³²² Kono he, kuzwa fani, Mulimu akala ku Mu nanula. Kutaha mwa Paradaisi, kuzwa fani kuya kwa—kuya kwa libita, ni kuzwa mwa libita kuya kwa Kanya, mi kacwalo Upahami hahulu kuli Una ni kutalima fafasi abata kubona Lihalimu. A pahamisa mabona a Hae mwa Lihalimu!

³²³ Me yomunyinyani ya lobehile pilu yani, kusina kuziba se, inza yemi fani, “Ba ni amuhile Mulena ka, mi ha Ni zibi kuli u kai.” Musali nali. . . neli hola ye fokola hahulu ku za kile aba ni zona. Mulena hae—wa hae na ile. Ne ba Mu takisize, ibo A tuhela kuli ye. . . ba Mu takisa ka maswabi a ku Mu pahela mapunu fapila sicaba sani; ni ku Mu taba lilumo kwa makupo, mi azwa mali, ni ba Mu utwa ha lila fa Sifapano, ni kubona lifasi ha li zikinyeha, mi mahalimu kaufela a lemuha kuli Na shwile. Ba Mu tulukisa fafasi, a omelezi ni kubata, ni ku Mu lobaza mwa libita. Na hupula kuli, “Likute la mafefezezo le Ni kona kufa ku Mwana ka yomunde ki kutaha ku to Mutoza sende ya kuomisa, kono cwale ba Mu ngile mwateni.” Mi na yemi fani inza lila, me yomunyinyani yani inza yemi fani inza lila, inza shikoka mioko. Oh, nako ye fokola hahulu!

“Kiñi ha u lila, musali?” neli Linzwi mwa mulaho wa hae.

³²⁴ Na hupula kuli neli mulibeleli wa mabita, ali, “Oh, ba mu zwisize mwateni. . .” Mane na si ka sikuluha kuitemuna, na fokozu maswe. Ki hali, “Ni bile nitona mwa mazazi a malalu a ni masihu kaufela. Ne ni yemi ni kutalima kutakiswa kwani, Na talima Mulatiwa waka yo Ni ziba kuli neli Mwana Mulimu. Ni ziba kuli Nali yena! Mi ibo bona. . .” (Inge ba talimile kusili, mi Yena inge ali kwa mulaho.) “Mi ba Mu shimba ni ku Mu kokotela. Ni Mu boni ha zusa bafu mwa libita. Ne ni Mu boni ha eza limakazo ni limakazo. Mi Na ziba Moya o Kenile. . . Mulimu uziba pilu yaka, Ne ni sina mulatu wa sika kaufela, mi Moya o Kenile wa ni fa Mbututu yani kusina kuziba muuna. Mo Ni zibela kuli neli niti! Mi Na Mu bona inza huwa ni. . . atubula liapalo za Hae kuzwa ku Yena, ni ku Mu pahaka fahalimu fani ni ku Mu kokotela fafasi. Na shwile lifu lelituna hahulu. Na Mu lata, Hanina taba ka se si ezahalile ku Yena. Ne ni sa bata ku Mu pumbeka, Ni bata—Ni bata ku Mu fa mufuta o lukile wa kupumbekwa, mi ba Mu zusize. Ni bile mazazi ni mazazi, pilu yaka i lobehile. Ni yemi fela mwa buino boo. Hani zibi se ba ezize ni Mulena ka.”

³²⁵ Ki hali, “Maria.” Mi ki ha ikutwa kutiya. Amen! “Amuyo bulelela balutiwa ba Ka kuli Ni ba ba fumana kwa Galilea.” Oh, mawi!

326 Mwa bufokoli kona mo lu ezwa baba tiile. Ha u fokola, kona kuli u ya tiile.

327 Pitrosi, ha na li kwani inza yamba litapi, na li . . . musebezi wa hae neli wa buyambi. Na lata musebezi wa hae. Mi kacwalo, nali kwani inza yamba, ali kuswaba, aziba kuli na latuzi Kreste. Oh, mawi! Autwa Mupolofita yani inza yemi fani ni ku mu bulelela kuli, “Pitrosi, kana ubulelela kuli wa Ni lata?”

328 Ki hali, “O Mulena, U ziba kuli Na Ku lata.” Ki hali, “Na Ku lata. Ni itukisize ku Ku shwela.”

329 Ki hali, “Pitrosi, u nahana kuli utalusa ona cwalo, kono uka Ni latula halalu mane kusikaba kale. . . U ka Ni latula mukombwe u si ka lila kale lwa bulalu. Mwabona, u ka Ni latula halalu mukombwe u si ka lila kale.”

330 Mi cwale ka kubona zeo ha li ezahala, ha na yemi fani ni kubulelela kuli “Ha ni Mu zibi. Batili, Hakuna se ni ziba ka yena kwani Mapentekota.”

331 Ha ki nako ya kutuhela kukutaza, ki waci yaka ye kenezwi ki simoya bati. [Mulangu wa waci ya Muzwale Branham wa lila—Mu.] Mwabona? Abulelela kuli, “Na—Na ziba. . .” Ni—Ni lukela kutuhela cwale, kono Hani—Hani kutuhelela fa nako ye, mwabona, kacwalo Ni lukela kufeza se fa muzuzu fela.

332 Ali, “Na—Na—Na—Na ziba kuli Ne ni Mu latuzi. Ne ni Mu latuzi fa pila Pilato. Na Mu hana fa pila fani musali nyana yani ha tile kuna, ali, ‘Kana ha u alimuñwi wa bona wena?’ ‘Batili!’ Mi mane na lwaha!” Oh, nali mwa buino bo bumaswe. Ali, “Ni—Ni—Ni. . .” Na latula. . . Na Mu latuzi. Mi na boni Jesu inza yemi ni kutalime kuyena, fani kona mukombwe fo u to lilela, atalimela Pitrosi. A lweza fande. Oh, na ikutwile kuzwafa yena kasibili, ali, “Kiñi ze Ni pilela nako yetelele?”

333 Mi he, kwanda sani, a bulelela kuli, “Ni sepa kuli Ni ka kutela kwa kuyamba hape. Hani sa kona ku kutaza ni hanyinyani, kacwalo Ni ka kuta fela ni kukala kuyamba.” Na sa cimbekele tunyandi twa hae ni kuyamba busihu kaufela, mi na si ka swasa ne ba ya lubandangoti. Mi nali fa sibaka se si fokola, na sina sika, na sa zwafile kasibili, ataha kwa mafelelezo a mata a hae.

334 Kihande, nahupula kuli neli muuna yomutuna, a shaba mazebe a mwana mushimani wa muprisita yani. Kihande, na hupula kuli nali muuna yomutuna, mwa ziba, na itutile nto yeñwi. Kono hakuna sa na ziba! Nana ni kulibala ka zona kaufela.

335 Mi ki yani nali fani, ali, “Kihande, Na ziba nto iliñwi, Na ni muyambi. Na kona kuipilisa, ka kuyamba.” A cimbeke busihu kaufela kusina sa na sweli. Oh, ha ki kuzwafa ni koo! Nako kaufela ha na yambula, kanyandi nekali mukungulu. Mi a filikana hahulu! Nali fa sibaka se si fokola hahulu, ali, “Ni

ikutwa fela inge nika tula fela kuzwa mwa sisepe se. Hanina se si ni swanela, mane.”

Ki hali, “Kana musweli sesiñwi, bana?”

³³⁶ A talima fa likamba, mi teñi ne ku yemi Muuna. Ki hali, “Batili, lu ikatalize busihu kaufela mi hakuna se lu sweli. Ne ni hupula kuli mwendi Ni muyambi.”

“Kana ki wena, Simoni?”

³³⁷ “Eehe. Kihande, Ni ikatalize busihu kaufela mi hakuna ze ni sweli. Oh, Ni—Ni. . . Haluna neba tapi ya lubandangoti kulo kwanu.”

Ki hali, “Kihande, cimbeka kanyandi ka hao kwa neku leliñwi.”

³³⁸ “Lu ezize. . . Sikamañi?” Mi yena abe- . . . Ali, “Kwa neku leliñwi? Lubile lueza cwalo!”

“Cimbekela kwa neku leliñwi.”

³³⁹ A cimbeka tunyandi hape, ni kuhoha. Ki hali. . . Mi ki haba ya tiile. Oh, mawi! A swala koti ya hae ya kale ni ku itateza yona, ali, “Mizwale, yani ki Yena Luli!” Mi ki ha fita babañwi kaufela kumatela fa likamba, basika fuluha kale lisepe kapili fela mo ne ba konela, atapa mane a ba siya, ni koti ya na tinanga ha yamba, afita fa likamba. Kiñi? Ha na tiile. Mi ha na tiile a palelwa kueza sika, kono cwale ha na fokola kona a tiiya. Eeni, sha.

³⁴⁰ Oh, muzamao wa Mulimu ki kunga libyana za butu za mukungulu ni kunyunga lifasi ka zona. (Cwale, fa nako nyana fela mi lu ka zwa.) Inge kwa Pentekota, kwa Pentekota, kiñi sa Na ezize? Sa ba tanda mazazi a lishumi kuli ba lieze mukungulu. Kono kaufela bona neba yemi kwani ni libyana za bona ze futukile, mi Mulimu ikunga Yena mi a ba taza. Ku felile! Ba nyunga lifasi; yena a isululela Kasibili ku bona.

³⁴¹ Zeo kona ze tokwahala kacenu. Kona ze lu tokwa kacenu, ki libyana za mukungulu, eni, sha, kuli Mulimu akone kuli taha sinca. Mi ha u koni ku linga. . . Ni lukela kufitelela lika zeñata kulo faa. Mulimu hakoni kuitusisa zona haibile fela litezi kale. Haiba utezi fela lituto za bulapeli, Mulimu hakoni kuitusisa wena. Mulimu una ni kuba ni libyana za mukungulu kuli *Ali* taze.

³⁴² Cwale, Elia na si ka bulela kuli, “Zamaya u yo nga litubana ni kukupa oli yeñata, mi luka bona haiba haluna kuba ni teko yende ku yona, mi unge yeñata nyana mi ukone kulifa bo yahile mabapa ni bona ka zona.” Ki hali, “Inga fela libyana za *mukungulu*. Kona fela zo tokwa.”

³⁴³ Kona mo ne kuinezi kwa Pentekota, nebana ni libyana za mukungulu kuli Mulimu ali taze. Muzwale, lizazi le litokwa kuli kube cwalo. Zazi le; lina ni kuba ni zeo. Lukaba ni sani kamba

lwa shwa. Ni ka kwala cwale, muteeleze. Lu lukela kuba ni sani kamba lwa shwa. Eeni, sha.

³⁴⁴ Mishini yemituna ya za bulapeli ye lunani, mishini yemituna ya keleke i na ni musili, ina ni myandala ya moya kuyona. Muzwale Collins uteni mo, ni Muzwale Hickerson. Ni sepa kuli sipi yeswala lika isinyehile. Kuna ni se si fosahalile. Ba itusisanga mafula a mifuta ye fosahalile, kaufela yona i tampakanile ka musili. Ba itusisa kutwisiso ya mwa sikolo sa za bulapeli kufita kuitusisa Moya o Kenile.

³⁴⁵ Ncafazo zaluna zeluna mwa naha, muuna wa luna yomutuna, mikopano yaluna ya lifoliso, kaufela i palezwi. Lwa ziba ipalezwi. Mutalime mubuleli waluna wa likute, Billy Graham, upazuzi naha kuya ni kukuya, kuya ni kukuta, kuya ni kukuta. Ki bunde mañi bo buezahalile? Oral Roberts, mikopano ya lifoliso kai ni kai, mi liya li ba zemaswe ka nako kaufela.

³⁴⁶ Kakuli kaufela ki za Baptist, Presbyterian, Assemblies of God, zona likopano zeñwi ze kaufela ze shutana, ku li kopanya hamoho, ki sikamañi seo? Mushini omutuna wa za bulapeli, mi Mulimu u mi tazelize ona ka musili. Cwale isweli fela kuya kabunya, “kulila,” kutula, kutula, kutula, “kulila,” kutula, kutula, kutula, hanyinyani fa ni fani. I felile! I felile! Mafula sa felile mwateni, muselile mwateni mezi. Lika kaufela lifelile (eeni, sha), mataya amabeli kwa maneku amabeli kaufela. Lu mwa buino bo bu sabisa. Mushini wa za bulapeli u timile.

³⁴⁷ Mi, muzwale, sikwahezo za lihele si kwaluhile. Yeo ki niti. Mi maabwa a mata a madimona asweli kusulula kai ni kai. Li komile linaha. Li komile litaba za linaha kufitela ha se libolile kuisa mwahali. I komile likeleke kufitela hakusana se ba ziba kwanda kopano feela.

Mu li, “Kana u Mukreste?”

“Ni wa Methodist.”

“Kana u Mukreste nji?”

“Ni—Ni wa Pentekota.”

³⁴⁸ Seo ha si talusi sika, sina hane Ni bulezi zazi leliñwi kuli, hakuna shutano ni kuba kulube, kamba ngili, kamba pelesa, kamba nto yeñwi. zeo halina sa kuezwa ni Sona. U Mukreste ha u pepilwe sinca ni kutazwa ka Moya o Kenile, isiñi kufitela nako yeo, u ipile ka kutala kwa Moya. Haiba wa u si ka ipa kwa Moya, kona kuli ha u si ka pepwa sinca mi hauna Moya o Kenile. Wakona kubulela ka malimi ni kunjanja, ni kutula ni kumata, ni kuezwa mikwa kaufela ya . . .

³⁴⁹ Paulusi naize, “Na kona ku shimbulula malundu ka tumelo, Na kona kufolisa bakuli, Na kona kuba ni zibo ya Bibebe, Na kona kuya kwa mukopano wa za bulapeli ni kuituta lika ze kaufela, lika kamukana,” ali, “Ha ni sesiñwi niteñi!” Haleluya!

³⁵⁰ Oh, mawi, mubulele ka sikwahezo se si kwaluhile kwa ketele! Madimona asweli kupotoloha kwa ni kwa, mata a diabulosi, mwatasa libizo la Bukreste, “kuluta Tuto ye keluhile ka litaelo za batu,” lituto za sikolo sa bulapeli, kusiya fela Bibeledi ili kwahule.

³⁵¹ Haleluya! Ki mañi ya kona, ki mañi ya tiile hande, ki mañi ya butali? Kimañi ya tiile yakona kutapisa buhali bwa mpi yesweli kutubula basali liapalo cwana, ka libizo la bakutazi, Methodist, Baptist, mane ni Mapentekota? Kuipenta kwa lifateho za bona sina Jezabele, ni kukuta milili ya bona, ni kutina fela sina baana. Bakutazi ba luna, ha ki babañata baba kona kuyema ni ku ba bulelela zona. Ba tasselizwe ki diabulosi! Neli mpi ya na pazaula liapalo za hae. Ki mañi yo diabulosi yasweli kuhona?

³⁵² Ki mañi ya tiile? Ki mufuta mañi wa—wa kopano ye kona ku mu koma inza zamaya mwa mabita a likopano aa, inza bulela kuli, “Mazazi a limakazo a felile, mi ha lu tokwi Moya o Kenile”?

³⁵³ Mi ki mañi ya kona kutapisa diabulosi yani? Mulimu! Halukoni ku li eza ka kopano. Halukoni kulieza ka mata a za bulapeli. Kono kuna ni Linzwi nako yeñwi ye ne liezize, amen, lene li kauzi buhali bwa mioya yani, kuba kutiseza mwa kunahana kwabona ko ku iketile ni ku ba fa liapalo. Kona Linzwi leliswana le li lufa sepiso, “Misebezi ye Ni eza mu ka ieza ni mina.” Hamuna ku lieza mwatasa mafula a keleke ye tezi musili wa mota. Hamuna ku liezeza mwa katengo. U ka lieza ha u ka ba mukungulu ni kuba ya fokola, kwalula hande ili wena, ni kulumeleza Moya o Kenile kutaha kuwena ni ku to taza siemba sa hao kaufela, ku to kolobisa siemba kaufela sa mubili wa hao. Yeo kona nto fela . . . ya kueza. Ha lu tozwi kopano yenca.

³⁵⁴ Se lutokwa, O Mulimu, Ni ikutwa kuli Li suluhile mwahali mo cwale. Se lutokwa ki mupolofita wa Mulimu kuli atahe ni mushika wa pula wa Mulimu, mamonya a moya aka nyunga lifasi le mwa maswabi! Haleluya! Sibyani sa mukungulu kona Sa tokwa, yeo ki niti, Keleke ye bizizwe, siemba nyana se si ka amuhela mata a Mulimu ni limbuyoti ni Liñusa la Hae. Haleluya! Zeo kona ze lutokwa.

³⁵⁵ Akube ya fokola kuli ube ya tiile. Li ka koma diabulosi kaufela. Li ka swabisa ya itutile kaufela. Li ka tisa baana ni basali bao Mulimu abizize, mi ona seo fela.

³⁵⁶ Muhupule, “Sina mo ne kuinezi mwa mazazi a Nuwe, ki mo ku ka bela ni ha taha Mwana mutu, mioyo ye eiti kona yene pilisizwe fela.” Mwa mazazi a Elia nekuna ni baba sebene sauzande bene bana ni Lona kihona. Oh, munahane fela fo lupila cwale. Mi Joani ha na tile, keleke neili mwa bunyinyani fela, kono ne kuna ni libyana za mukungulu mwa kusela teñi Oli. Haleluya!

Mulimu, tuhela kuli lube mukungulu.

³⁵⁷ Mube mukungulu, balikani. Mube bafokoli! Hana mata a hao! Mi ni mina kwande koo fa silimba . . . isiñi fa silimba, kono

kwande mwa . . . baba tteeleza matepu aa, kaufela ko afumahena, akube mukungulu yeela. Aku suluhele fa aletare ya Mulimu kakuba sitabelo. Lumela kuli Lingeloi litahe ka lishala la Mulilo, litaze sibyana seo ka mata a Mulimu Yamata kaufela. Ube . . . Mi Uka ku eza ya tiile, Uka ku fa sishemo kuli u yeme.

Halu inamiseñi litohe za luna fa muzuzu.

³⁵⁸ O Mulena, kakusasana omuñwi wa la Sunda ufutile, mi nelunze luinzi mwa kopano ye kutekeha yee, moo baana ni basali baba Ku ziba, mo kupila Moya wa Hao mwahala lipilu zabona, mi ha Ku lumela ni kuli baezize kuya ka Linzwi kaufela leo Uba—leo Ulu laezi kueza. Mi lwa itumela ku Wena ka sicaba se.

³⁵⁹ Mi kwa kona kuba babañwi kwande mwa naha ko ku kaya matepu aa, koo basali ni baana baba ishuwile ba ka aisa mwa malapa ni kwa mishobo ni ku aisa kwa linaha za kwahule. Mi cwale ha ba utwe, Mulena, ni ku utwisisa, ba be mukungulu kuli Moya o Kenile u ba taze.

³⁶⁰ Mwendi kwakona kuba babañwi mo kakusasana cwana, Mulena, baba ka . . . baba se ba bile kale mukungulu kuzwa fo lukalezi kubulela, baba lemuhile kuli basepile hahulu mwa mihupulo yabona, yabona kuli, bona . . . mata abona fela, kusepa mwa—mwa butali bwa mihupulo yabona fela ya butu, ye si sesiñwi kwanda kuba fela masila fapila Mulimu. O Mulimu, ha ba ikeze mukungulu cwale, ka buikokobezo ba ipe ili bona ni kutaha kwa kutazwa ka Moya. Lumeleza cwalo, Mulena.

Ku bulezwi mwa Bibebe kuli, “Buñata bwa babane ba lumela ba kolobezwa.”

³⁶¹ Kuna ni mwa muyaho wo kakusasana cwana, Ndate, musali yomunyinyani, yainezi kwa mulaho kwanu kwa mulaho, mi Na hupula musala Bo. Hicks ya na ni matela busihu bobuñwi mi na lobezi fani kusina sika kwanda masapo fela, misifa, katalo fela kakanyinyani inge kakapi kene ka apesize fa misifa ya hae, kansa ne se i mucile kufeza; yena ni muuna hae, ne si Mukreste ka nako yani. Mi Na hupula tapelo yene Ni lapezi busihu bwani: “Mulimu, No lumile Davida yomunyinyani kuli amatise tau ni kafwililo nyana, mi alamulela ngunyana.” Se nili, “Kansa ye i sweli kezela ka; ki moya o maswe. Ni ziba kuli U Mulimu. Ni Ku boni, Mulena, mi Na ziba. Ni ambozi ni Wena, mi ni Wena U bulezi ni na.” “Ni taha ka kulatelela ngu ya Mulimu; wena kansa, mu tamulule!” Mi ni ku muluma ka Libizo la Jesu Kreste kuli “aye kwa hae.” Ni muuna hae ya na si ka ipa kale, alumela Linzwi lani ku kuisa musala hae kwa lapa. Ki yo fa kakusasana cwana, musali ya tiile ya iketile hande, kansa i congile, wa taha kakusasana cwana ku to kolobezwa ka Libizo la Jesu Kreste. O Mulimu, ni itumezi ku Wena ka sibyana sa mukungulu sani se si taha ku to tazwa. Mulimu, Ni lapela kuli U fuyole moyo wani.

³⁶² Mulena, wo ki mutala fela wa babañwi babañata. Ni lapela kuli limbuyoti za Hao liine fahalimwa sicaba se, ka ciseho, Mulimu, ka ciseho. Haiba . . .

³⁶³ Kuna ni fela nto iliñwi ye siyezi, Ndate, ye Ni bona, yeo, ki kuil Wena u tahe ni libyana za mukungulu kokuñwi ni kuswabisa lifasi le ka zona, kamba kuluma Jesu akute kapili. Kuli mafelelezo a fitile, Mulena, kuna ni fela lika zepeli ze siyezi kuezahala (mi luswanela ku libona ona fa cwana) kakuli lu ziba kuli ki kwa mafelelezo; ikana ya ba kuli lu ka bona nto yeñwi yetuna ye taha, kamba lu ka bona Kutaha kwa Mulena.

³⁶⁴ Sipolofita kaufela si talelelizwe. Taba ya mafelelezo fani Keleke isika zuha kale, mane Isika ngiwa kale mwa Sinulo kauhanyo ya 3, neli kutaha kwa mulumiwa kwa Lusika lwa Keleke ya Laodesia, ya ka “fetula lipilu za sicaba kwa bashemi ba makalelo,” ku bakutiseza kwa Pentekota ya makalelo, ye ba ipapata kuli ba nani yona. Kukona kuba likitikiti ni likitikiti ze alulwa cwalo, sina mo ne kuinezi mwa lizazi la Nuwe, Mulena, ba ka lateha. Buñata bwa bona ba ka lateha. Lwa bona seo si talelelizwe kale, Ndate.

³⁶⁵ Taha, Mulena Jesu, unge Keleke ya Hao. Mi haiba ki tato ya Hao, Mulena, ona fani Keleke yani isika ngelwa kale, ha kutahe Mata. O Mulimu, taza libyana ze. Aku ba zuse, Mulena! Nyunga lifasi le hape! Lu ziba kuli ikaba nako ikabe ifelile, hakuna kuba kubaka ka nako yeo, ikaba kwahule ku bona ka nako yeo. Kono bonisa Mata a Hao, Mulena, taza libyana zani ni kunyunga lifasi le ka mukwa o si ka ezahala kale fateni! Ungele Keleke ya Hao cwale. Usiye lifasi mwa bumaswe mo liinzi, O Mulimu, basweli ba ikataza.

³⁶⁶ Kona kuli luziba kuli Moya o Kenile omutuna uka taha kwa Majuda ka nako yeo. Ha lu bona baba handeleti ni fotefo sauzande bayemi fa Lilundu la Sinai, bayemi ni Ngunyana, kono Munyaliwa na inzi kale mwa Lihalimu. Na sa ngilwe kale, mi Ngunyana na sa kutile (Josefa) ku to i tibahaza Iliyena kwa sicaba sa Hae. Mi Bibebe ibulezi kuli ku kaba kulila mwahala bona ha ba ta Mu talima inza yemi fani. Nako ya ka Itibahaza Iliyena, ba kali, “Ki kai ko U ngile kai mañiba ao?”

U kali, “Ki mwa ndu ya balikani ba Ka.”

Mi ba kali, “Ne li Yena ye ne lu takisize.”

³⁶⁷ Mi Uka bulela sina Josefa mwa na bulelezi, “Musike mwa bilaela, kakuli Mulimu uezize cwalo kuli apilise bupilo bwa Bamacaba. Ne si mulatu wamina.” Mi se ba li ba ka ikaba, lubasi lo ku loluñwi, ba ka lila inge ya silisa mwana hae anosi ya ngilwe.

³⁶⁸ O Ndate, zazi lani li fakaufi, ani kona mafelelezo a Lisunda Ze Sebente zani. Kuli nako i fa kaufi, Mulena.

369 O Mulimu, linzwi leo—lona linzwi la bapolofita ba niti ba Mulimu ha li huweleze kunyaza kalibe wa kacenu wa lizazi le, yona keleke ya kacenu ye, ona tuto ya keleke ya kacenu ye.

370 Inyunge bakutazi baba saba kubulela Niti baa. O Mulimu, nga baana ba ni ku ba nyunga mo basamba kunyungelwa fateni, ba konise ku ikutwa maswabi.

371 Kono luziba nto iliñwi ye, mi lukona kuina ka sepo yetezi, kuli, “Hakuna mutu yakona kutaha konji yoo Ndate a bizize. Mi kaufela ba file Ndate ba ka taha.” Ba ka fita fona fo Ba lukiselize kufita kupale kumane. Kono Wena uize, “Si sabi, wena mutapi o munyinyani, ki tato yende ya ndataho kukufa Mubuso.” Lu ziba kuli Yeo ki niti. No lu lemusize kale kuli ku kaba luli, luli baba likani fela baba ka itukisa nako yeo ha i taha. Kona ku kaba zuho yetuna, mu kaufela baba liuluzwi be ne ba liuluzwi kale mwahala masika kaufela ba ka zuha. Kono mwa lizazi la mafelelezo le, kwa nako fela ya maungulo, kwani Keleke ikaba mwa bunyinyani luli.

372 Kacwalo lwa bona cwalo, Ndate, lu bona Liñusa la lizazi lateni. Lwa bona ni kuhaniwa kwa Lona, lubona ku ikambusa ku lona, lubona lika ze kaufela.

373 Lu fumana sicaba sa Hao si bulela kuli ha ki sesiñwi. . . ha ki “sesiñwi.” Ba bata fela kutazwa ka Wena, Mulena. Cwale, Ni lapela kuli U nyunge lifasi kabona, mazazi nyana fela alikani Kutaha kwa Mulena ku si ka ezahala kale.

374 Cwale mwahala luna kuna ni matuku, kuna ni batu babatokwa foliso ya mubili. Halukoni ku ba siya, Mulena, kakuli ku izwe, “Usike wa libala lituso za Hae kaufela: Ya swalela bumaswe bwa hao kaufela; ni Ya folisa matuku a luna kaufela.” Lu lapela kuli mata a Hae amatuna a kufolisa akaba fahalimwa mutu ni mutu yali mo. Haiba U kona kupilisa moyo kwande koo kusina kushenya, ki pilu ya hae fela ye sikuluhezi ku Wena, kana Ukona kufita kai fa kufolisa mubili!

375 Ki ze fa litaulo ze beilwe fa. Na li fuyola ka Libizo la Mulena Jesu, sina Auapositola yomutuna Paulusi mwa na ezelize. Mi ufi kaufela ya ka itutisa litaul ze a foliswe. Mi malapa a shandaukile a yahiwe sinca. Mi bana babanyinyani, babasina ndate, babasina me, ni bona baba kauhani, lape li swalisane hape. Lumeleza cwalo, Mulena. Folisa bakuli kaufela cwale, ni baba nyandiswa, ikungele kanya Unosi.

376 Mi, Mulena, luna ba balika kubuluka libyana zaluna hande, meto aluna inza talimile kwa lihalimu, lipilu zaluna litamile kwahalimu ku Wena, kulatula kuli mane lu tamahani kwa lifasi le. Bibebe ibulezi kuli “Abrahama na zwile mwa lapa la hae, na zwile mwa munzi wa hae, ku yo yambaela mwa naha ya sepiso, kubulela kuli ‘na si wa lifasi le’ kono nali ‘muzamai ni muyambaeli.’” Abrahama ni Isaka ni Jakobo, kaufela babana ni

bupaki bo kuli ha “ki ba lifasi le,” ba bulela fela kuli kuna ni Munzi o Muyahi ni Muezi wa ona ki Mulimu, mi ba ya ona cwalo.

³⁷⁷ Lipilu ha li cinciwe cwale hanze Ni lapelam Ndate, mi maikuto a ngiwe. Mi cwale lisebelezo za kolobezo ha li taha, hakube ku nyungana kokutuna luli mwahala sicaba, hakube sicaba se si sika hupula kale zeo fateni, ha li patululwe. Mi Ubulezi kuli kaufela Bo bizize, U—U ka ba luma.

³⁷⁸ Cwale, Na beya kaufela ku Wena, Mulena, ni liñusa le li lobehile le kuzwa kwa sibyana se si sina lika kusona, Mulena. Ni lapela fela kuli Unge ona Manzwi ao ni ku a shengununela mwa lipilu za sicaba, mi basike bakona kuba kwahule ni Ona. Lumeleza cwalo, Mulena. Ni li beya ku Wena cwale, ka Libizo la Jesu Krete. Amen.

[Muzwale u fa liñusa—Mu.]

³⁷⁹ Hamunze mueza buketelo bwa mina, mwa iketela. “Kiñi ha mu yema mwahala minahano yemibeli?” Mu utwile sa Na bulezi. Haiba Mulimu ki Mulimu, mu Mu sebeleze; haiba lifasi ki mulimu, muzwelepili fela. Mwabona? Haiba nzila ya likopano ilukile, muzwelepili ni yona; kono haiba Biblele ilukile, konakuli hamutahe ku Yona. Mwabona? Amuiketele lizazi le yo mu ka sebeleza.

³⁸⁰ Ki fo he cwale, mwa Moya, luopele pina cwale. Biblele iize, “Ba opela pina ya milumbeko ki ha bazwa.” Ha lu opeleñi pina yezibahala ye ya kale, *Na Mu Lata*, ka litho ni lipilu zeinamezi ku Yena.

Na Mu lata,

Cwale iketele so ka eza.

Na Mu lata
Kakuli U ni latile pili
Ni kuleka puluso yaka
Fa kota ya Kalvari.

³⁸¹ [Muzwale Branham uñuñuna kuli *Na Mu lata*—Mu.] Kana wakona ku keta Krete? Isiñi keto, handende, ba fela mukungulu, “Mulen, Hani yomunde. Hakuna nto yende kuna. Tuhela kuli ni libale ze Ni kile naziba kaufela. Cwale taha, Mulena Jesu, usike wa lumeleza kuli se si ni fite fa toho. Tuhela kuli ni Si amuhele ni kutazwa ka Moya wa Hao, Mulena. Kuzwa lizazi le kuya kwapili, tuhela kuli nibe wa Hao kakutala.” Amulapele fela cwale, tapelo nyana fela ku Mulimu; yebunolo, tapelo yee, banana, kaufela.

Wena Ngunyana ya Kalvari,
Mupulusi ya Pahami;

Baka fela mwa pilu ya hao.

... utwa ha Ni lapela,
 Zwisa sibi saka kaufela,
 O tuhela kuli kuzwa kacenu
 Ni be wa Hao kakutala!
 Ha ni nze Ni zamaya mwa lififi,
 Ni manyando ani beile mwahali,
 U be Muzamaisi waka;
 Fetula lififi libe liseli,
 Takula mioko, ya maswabi,
 Si ke na latehela
 Kwahule ni Wena.

³⁸² [Muzwale Branham uñuñuna kuli *Tumelo Yaka Italima Wena*—Mu.] Ba ba lumezi, ba ikusufalize fapila Mulimu, mi ba itamile kuli hakuna se si ka mi tibela, hauna kubulela za kutiya kwa hao, mi ulakaza kulieza ka ku utwahala hande, ze petehile hande ku Mulimu, siliba sina ni mezi kale, kuitukiseza kolobezo. Basali ba ye kwa neku la ka la bulyo, mi baana baye kwa nzohoto yaka. Sebelezo ya kolobezo i ka kalisa mwa nako nyana fela. Baba se ba bile kale mukungulu, hamuna kulumela ze ba bulela bakutazi, ze ba bulela ba bulapeli fela, se li bulela likopano, kono mu ka nga nzila ya Mulena, muka lumela kuli SA BULELA MULENA KISONA, amutahe cwale.

Ha ni nze Ni zamaya mwa lififi,

Bao ki basali *kwanu*, baana *kwanu*. Yeo ki pizo yamina ya kwa katala, “Buñata bwa babane ba lumela, ne ba taha ku to kolobezwa.”

... Muzamaisi waka;
 Fetula lififi libe lizazi,
 Takula mioko ya maswabi,
 Si ke na latehela
 Kwahule ni Wena.

³⁸³ Ki basali babakai mwahali mo kakusasana cwana... Ni bulela cwana ka Libizo la Mulena Jesu! Ki babakai ba mina baba swabile ka milili ye mikuswani yani, mubata Mulimu, ka sishemo sa Hae, kuli akone ku mi huliseza yona? Mulimu ami fuyole.

³⁸⁴ Ki baana babakai baba ikutwa maswabi kuli mutuhelelanga bo musala mina kuzuba kwani, ni kutina malukwe aswanela kuba a hao?

³⁸⁵ Mi Bibebe iize, “Ki maswabisa mwa meto a Mulimu.” Kana mwa ziba kuli Mulimu hakoni ku cinca? Hakoni ku cinca. Una ni sibupeho silisiñwi, sani ki kukena. Hakoni ku cinca. Haiba ha ubi sina Yena, hauna ku Mu bona, “Kusina kukena hakuna mutu yaka bona Mulena.” Mi haiba kutina malukwe kanti... ku utwisa Mulimu bumaswe inge Aka taza, Wa kula, ni *maswabisa*, “busafa,” kana ukaba cwani... ni si moya se si cwalo kuwena ni kubata kuya kwa Lihalimu? Kana uka fita cwani kwa Lihalimu ni milili ye mikuswani, kanti Mulimu naize, “Ki maswabisa kuli

musali a kukule milili ya he”? U latula milao luli ya kuba—kuba musali. Mulimu ha cinci. Leo ki Linzwi la Hae, mulikani, ki hande uteeleze.

³⁸⁶ Ni mina baana babaka tuhelela basali ba mina kueza cwalo, kikuli ha mu ikutwi maswabi? Kana ha mu swabi?

³⁸⁷ Usike waba sina Kalibe wa Pili wa naha. Ube sina Mulimu! Mwabona? Ikambuse ni kuba mukungulu kwa mikwa ya lifasi ye, kuli Kreste a Ikenye ku wena mi ukone kutazwa luli ka Moya o Kenile.

³⁸⁸ Hakoni kueza cwalo, Hakoni kueza cwalo, ki—ki ze lwanisa milao ya Hae; Una ni ku lwanisa Linzwi la Hae, mi zeo Hana ku li eza; Hana ku li eza haibile fela—haibile fela ha u zamaelelli ni Linzwi la Hae. Una ni kutaha . . . Lu swanela kutaha ku Se mane sika kaufela si si ka ezahala kale. Mwa ziba cwalo, mañi ni mañi wa mina wa ziba cwalo. Ki babakai ba ba lumela cwalo, munanule mazoho amina. Luli, mwa lumela, cwale ha luezeñi nto yeñwi ka zona.

³⁸⁹ Mulimu, u lu utwele butuku! Mo lu Mu tokwela! Ki luna ba fa, kaufela luna hamoho cwale. Muhupule cwale, kwa Katulo, haiba Ni . . . Ni ka yo yema (mi yeo ikona kuba busihu boo) ni kulibana ni Linzwi kaufela le Ni bulezi. Mwabona, Ni ka tokwa ku yo kopana ni Lona. Cwale, muhupule kuli bumaswe ha bu saliyoy mwa mazoho aka, buzwile mwa lizwalo laka, buzwile mwa moyo waka, buzwile ku Mulimu.

³⁹⁰ Haiba ha u . . . Haiba u yemi mwa buino bwani mi niteñi ha u ikutwi kunyaziwa (whew!), uka—uka—uka eza sikamañi? Konakuli uziba kuli Mulimu ha amboli ni wena, u ziba kuli ufitelezi Zeo. Mwabona? U fitelezi Sani. Wakona kuba wa bulapeli hahulu, wakona kufumaneha kwa likeleke ni zeñwi cwalo, kono ufitelezi Sani. Linzwi la Mulimu la kenanga ni kutisa mutu ku mu shitla. Sani kona se si ba tisanga. Mwabona? Kacwalo leo kona Linzwi. Ni kupa kuli mukutazi ufi kaufela, mutu kaufela, kai ni kai, a latule Seo kulwanisa Linzwi la Mulimu. Yeo ki niti. Ha ki cwalo, mwabona.

³⁹¹ Kacwalo ha lubeñi Bakreste ba niti. Neba luna baba itiisa, luna luli baba itiisa kwateni, lutokwa ku kusufala ni ku biliswa sinca. Eni, sha, kaufela lwa litokwa.

³⁹² Mulimu, aku ni utwele butuku. Mulimu, ninge mi u ni bupe. Ki mulelo wa ka, kasamulaho wa sunda ye, kuya fapila Mulimu, ku fumana sa kueza se si tatama. Mulimu, ni nge. Sikamañi . . . Kaufela—kaufela ze ni ama, mi ki zeñata, ze si zende, Mulimu, aku li sehulule kwateni, kona tapelo yaka kakusasana cwana. Kenya pilu yaka mwa mupato, lizebe, butu bwaka. Ni eze, Mulena, ni eze sika zeo . . . kaufela Sa bata kuli ni be. Yeo kona tapelo yaka.

³⁹³ Kaufela ze Ni tokwa kuba, lipume kwateni, ni pume kwateni, Mulena. Ni bonise mwa Linzwi, ni bulelele, Ni ka yo eza cwalo.

Mulena ibe yena ya li bulela, mi Ni ka . . . Ni teni fani ni itukisize kuzamaelela ni zona. Kaufela se li bulela Linzwi la Mulimu, kona se Ni bata kuba sona. Ni bata kuba mu—mu Mukreste ka Linzwi la Mulimu, “Nituhela kuli linzwi la mutu kaufela libe buhata, mi la Mulimu li be la niti.” Kana yeo haina kuba mikwa ya nako yateni nji? Kuli kona mo mu lumelela cwalo?

³⁹⁴ Ubata sibaka sa kolobezo, mwana ka? Eehe, kwa mulaho kwanu, muzwale, usike wa libelela. Ku lukile, kwa neku le.

³⁹⁵ Buñata bwa mina mulukela kutaha, baana ni basali balumeli, baba sweli kuba . . . ni ku ipulela libi za bona, kuli ba kolobezwe ka Libizo la Jesu Kreste. (Neku *le*, muzwale.) “Ka Libizo la Jesu Kreste kwa swalelo ya libi za bona, mi ba ka tazwa ka Moya o Kenile.”

³⁹⁶ Cwale, ku mina sicaba sa Katolika mo, seo kona swalelo ya libi mo iinezi. Mu bulela kuli keleke ina ni mata a ku swalela libi, kana keleke ne i swalela cwani libi? Mulimu . . . Jesu na bulelezi keleke, “Ye muka swalela libi kaufela, ku yena lika swalelwa. Yo kaufela mu sa swaleli, ku yena uka siyala ona cwalo.” Ne ba li swalela cwani lwapili, libi mwa keleke ya makalelo? Neba ba bizelize kwa kubaka, mi ba ba kolobezwa ka Libizo la Jesu Kreste kwa swalelo ya libi za bona. Isiñi mwatasa situwa sa buipuleli; batili, kaniti. Kono ne ba bakile fapila Mulimu, mwa lipilu za bona hane ba yemi kwani, mi ba lumela. “Mi buñata bwa babane ba- . . . lumela ba kolobezwa ka Libizo la Jesu Kreste, mi ba tala Moya o Kenile.” Amen. Mwa Mu lata?

Cwale halu yemeñi.

³⁹⁷ Cwale, ku kaba babañata baba bata kulibelela sebelezo ya kolobezo. Naa kuna ni ya bata kutaha, ku na ni ya lumela? Mutahe, kwa neku leliñwi; baana kwa nzohoto; kwa silyo, basali. U lumele ku Mulena Jesu ka pilu ya hao kaufela, ka sesili ku wena kaufela.

³⁹⁸ Cwale halu inamiseñi litoho za luna hamoho, halunze lu kutela tapelo ya taelo ye hamoho, sina ha Ni ikutwa kuetelwa hahulu kueza se cwale. Halunze lu inamisa litoho za luna, mu lapele nina:

Ndata luna Ya kwa Lihalimu, Libizo la Hao libe leli Kenile.


Kutahe Mubuso wa hao. Se si latwa ki Wena siezwe mwa lifasi, sina mo si ezezwa kwa Lihalimu.

Ulufe kacenu buhobe bwa luna.

Mi ulu swalele milatu ya luna, sina mo lu swalelela baba lu foselize.

Mi u si ke wa lu kenya mwa muliko, kono u lu lamulele ku ya maswe. Kakuli Mubuso ki wa Hao, ni mata, ni kanya, kamita. Amen.

³⁹⁹ Cwale halu inamiseñi litho za luna. Mi Ni ka kupa Muzwale Neville kuli atahе abulele mbuyoti, abulele kaufela ze li fa pilu ya hae, mi ni ku zibahaza ka za sebelezo ya kolobezo ye sweli ku itukisa cwale.

⁴⁰⁰ Mulimu ami fuyole, kona tapelo yaka. Ni ka mi lapelela, mu ni lapelele kwateni ni mina. Ni tokwa litapelo za mina luli. 

MATA A PETEHILE KA MIFOKOLO YEPETEHILE LOZ61-1119
(Perfect Strength By Perfect Weakness)

Liñusa le ka Muzwale William Marrion Branham, neli kutalizwe lwa pili mwa Sikuwa la Sunda kakusasana, Njimwana 19, 1961, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org